




TOP-UP FROM AS LOW AS K2

24/7 Customer Care: Call 345 6789





visit our website: www.telikompng.com.pg

3G+

NOW IN TABUBIL & POPONDETTA

Enjoy the best 3G network coverage from Digicel now in Popondetta & Tabubil

SCAN HERE

Join Digicel Today!
www.digicelpng.com

Digicel

PNG's Bigger, Better Network.



BAI MI KARIM TOKTOK GO.

Polis bos bilong NCD na Sentral, Frances Tokura i toktok long ol polis manmeri bilong em olsem em bai kisim petisen pepa bilong ol go givim Komisina bilong Polis long wari bilong ol.

Dispela long wanem wanpela hevi bin kamap long ol polis man bilong Hagan na polis bilong Mosbi.

Polis Komisina Tom Kurlunga i tokaut long Tunde olsem i gat wok painimaut i kirap pinis long sekim pait namel long ol polisman.

Poto Nicky Bernard

KLOSTU NAU!

Yu enrol tu?

28

De moa...




Enrol NAU!!

Ilektoral Rol bilong Hailans redi pinis

Aja Alex Potabe i raitim

ILEKETORAL Komisin (PNGEC) i nau redi long larim Ileksen 2012 go het long Mei 18 bihain long ol i stretim pinis ol nem insait long ilektoral rol bilong Hailans rijen, Elektoral Komisina i tok.

Elektoral Komisina Andrew Trawen i tokim ol

Memba bilong Palamen, ol mausman bilong wan-wan sivil sosaiti, NGO, yuni sumatin, na ol mausman bilong wan-wan kantri, aste long wanpela bung long Palamen Haus, olsem dispela ileksen bai go het long Mei 18 bikos komisin bai pinisim laspela wok bilong stetim na putim ol nem bilong manmeri i go insait long ilektoral rol.

Polis Komisina, Tom Kurlunga na Ami Komanda, Brigeda-Jeneral, Francis Agwi i bin tokaut long dispela bung tu olsem ol polisman na ami tu i redi tasol long halivim PNGEC long karimaut gutpela na stretpela ileksen long painim ol gutpela lida bilong dispela kantri.

I go moa long pes 2



OX & PALM

BLUE CORNED BEEF

NET WEIGHT 340g

NET WEIGHT 200g

I Stap wantaim yu long olgeta hap!!

RAIT BULI BIFI!!

Polis bihainim toktok bilong memba

Aja Alex Potabe i raitim

OL POLISMAN bilong Haiwe Patrol bilong Mosbi, husat i bin kisim bagarap long Mande i bin holim wanpela haia kar i nogat mak bilong polis long en, Deputi Praim Minista Belden Namah i tok.

Polis Komisina Tom Kulunga i tokim ol polis long mekim ol wok painimaut long sekim husat i asua long dispela hevi namel long ol polis yet, we ol 07-Mobail Skwat i kam long Hagen i bin paitim sampela polisman

bilong Haiwe Patrol bilong NCD/Sentral.

Tasol Namah i tokim Palamen aste olsem ol polisman i bruk yet na sampela i wok long bihainim toktok bilong ol memba, i no long polis komisina.

“Ol dispela polisman bilong Mosbi i bin ron long wanpela haia kar. Is Sipik Provisnel Gavman i bin kisim dispela kar long haia na lusim long han bilong ol dispela polisman. Dispela kar i nogat mak bilong polis na taim ol 07 i laik sekim ol, ol i sakim tok na go.

“Nogat mak bilong polis na ol i ting em ol raskol, i no polis. Mi gat olgeta evidens long sapatim na strongim olsem ol dispela polisman husat i kisim bagarap i bin bihainim toktok bilong ol memba bilong Somare sait.

“Andrew Kumbakor em i wanpela bilong dispela memba husat i wok long mekim dispela kain nogut wok long bagarapim dispela kantri. Na mi gat evidens long kotim em sapos em i strong. Bai mipela mekim wok painimaut na sapos mipela painim ol memba i

wok long kamapim dispela hevi, gavman bai holim ol wan-wan na putim long sel,” Namah i tok.

Kulunga i pastaim tokaut olsem sampela polisman i wok long bihainim toktok bilong ol memba na Namah i strongim dispela bilip taim em i tok tu olsem ol memba husat i stap wantaim Somare i wok long kamapim ami na polisman bilong ol yet.

“Lain bilong Somare i kamapim trening kem bilong ami na polisman bilong ol yet long sampela hap ausait long 6-mail o long Kwikila.

Ol i brukim loa long kamapim narapela ami na polis bilong ol yet,” Namah i tok.

Taim CID i mekim ol wok painimaut long sekim husat i bin asua long dispela hevi, olgeta polisman bilong Mosbi i belhat nogut tru na ol i blokim rot long Godens Polis Bareks na ol i givim wanpela petisen long Kulunga.

Ol i laikim komisina long holim dispela Hagen polisman husat i paitim ol Haiwe Patrol na putim ol long sel bikos ol i brukim loa.

Namah: Holim Dokta Mua

Aja Alex Potabe i raitim

PALAMEN i wanbel pinis long larim Investigesen Task Fos Sweep (ITFS) i holim bipo menesing dairekta bilong Moto Viakol Insurens Limited (MVIL).

Bihain long Minista bilong Pablik Entaprais, Sir Mekere Moraura, i tokaut long ol wok painimaut gavman i mekim long kisim bek moa long K96 milian bilong MVIL i stap long wanpela liklik benk long Niu Saut Wels (NSW), Australia, Deputi Praim Minista, Belden Namah i muvim wanpela mosen long floa bilong Palamen long larim ITFS i holim Dokta John Mua.

“Dispela mani em i bikipela mani tru bilong pipel bilong kantri. Em i no poket mani bilong Dokta John Mua em yet. Mista Spika, mi



Sir Mekere Moraura



Belden Namah

muvim wanpela mosen long larim Task Fos Sweep i holim Dokta Mua nau tasol,” Namah i tokim palamen.

Sir Mekere i tok aninit long was bilong Dokta Mua, husat i wanpela wok boi bilong Sir Michael Somare na Soamre famili, MVIL i bin investim K96 milian long wanpela liklik benk long Nu Saut Wels (NSW), Australia long Julai 2009.

Woodlawn Capital Pty Ltd, wanpela lilik 2-dola kampani, i lukautim dispela mani, tasol we ol i bin yusim long karim dispela mani i go aut long kantri na i go long Australia em i no bihainim loa stret.

“Woodlawn em i wanpela liklik 2-dola kampani. Em i nogat planti se holda, tupela se tasol. Na ol i bin kamapim dispela kampanii

sampela wik bihain long dispela K96 milia i go insait long han bilong ol.

“Em i les long givim bek mani bilong PNG gavman bikos em i stil kampani. Olsem na gavman i askim ol loya long NSW long kotim Woodlawn na ol dairekta bilong en.

“Suprim Kot bilong NSW i stopim o frijim olgeta mani i stap insait long akaun bilong Woodlawn tu. Tasol i luk olsem bai mipela westim moa mani tu long kisim bek dispela mani. Bai mipela i kisim hap mani tasol, i no olgeta,” Sir Mekere i tok.

Em i tok MVIL em i wanpela namba wan bisnis haus bilong IPBC o gavman, we winmani em i mekim inap long kirapim dispela kantri, tasol aninit long was bilong ol poroman bilong Somare olsem Glenn Blake, Dokta John Mua, na

Witnes tok Maipakai bin stilim meri

INTA-GAVMAN Rilesens Minista, na Memba bilong Kikorri, Mark Maipakai i sanap long Lidasip Traibunal long 16-pela sut toktok bilong asua em i bin mekim long opis.

Witnes bilong stet, Kwalimu Sale Tamarua bilong Barakau Viles ausait long Mosbi, i tokim trainunal olsem Maipakai i bin bagarapim famili laip bilong en taim em i bin stap Minista bilong Jastis na paulim meri bilong en.

Tamarua i tokim traibunal olsem Maipakai i bin bagarapim marit laip bilong en na bipo meri bilong en, Shirley Mairi, husat i mama bilong 3-pela pikinini, taim Maipakai i bin paulim Shirley taim em i bin wok long Jastis Dipatmen long yia 2004.

Dispela em i wanpela asua bilong Maipakai. Em i gat 15-pela moa long stretim na em bai sanap gen long traibunal tete moning

Wankain taim saspended Memba bilong Angoram, Arthur Somare, na Rijinel Memba bilong Bougainville, Fidelis Semoso, bai stretim ol sut toktok bilong tupela i asua olsem lida long opis.

Semoso na Somare, husat i gat 11-pela asua long stretim, bai sanap gen long traibunal long Mande neks.

Wok bung na sapatim narapela :...Ol meri kendidet kisim stia

Veronica Hatutasi i raitim

ASKIM i go long ol meri husat bai sanap long 2012 nesenel ileksen long wok bung wantaim na sapatim wanpela narapela long go insait long Palamen.

Dokta Orovu Sepoe i wanpela long ol fasiliteta husat i givim trening long Mosbi long dispela wik long ol meri kendidet bai sanap long 2012 nesenel ileksen, i tok.

Mande na Tunde long dis-

pela wik i bin lukim samting olsem 15-pela meri kendidet na 15-pela kempein menesa bilong ol i sindaun long tupela de “PNG Wimen Kendidet Trening Strateji Progres Sek”woksop long Ela Bis Hotel.

Senta bilong Demokretik Institusen (CDI) i bin go pas long dispela woksop na mani bilong kamapim woksop em AusAID i givim.

Dispela woksop i bin sekim ol wok kamap long ol

meri kendidet na level we ol i sanap long en long redi long ileksen kempein bilong ol na givim ol moa skul long ol salens ol i bungim, na rot ol i ken abrusim o stretim, save long rul bilong pilaim gem bilong kempein, ol administresen isu na ol narapela moa.

Dokta Sepoe i bin tokim ol meri kendidet na ol kempein menesa bilong ol long tingting liklik na bikipela wantaim, tasol wokim dispela wantaim “gutpela pasin, nogat hait

pasin na i mas wokim samting stret long gutpela bilong olgeta.”

Em bin tokim ol meri olsem samting ol i go insait long em long resis long go insait long haus palamen na makim pipel bilong ol i bikipela samting we ol i mas redi long en.

“Em i bikipela wok na planti bikipela samting i stap insait. Yu redi long go insait na mekim ol wok na ol salens i stap?”, Dokta Sepoe i salensim ol meri olsem.

Ilektoral Rol bilong Hailans redi pinis ...

I kam long pes 1

Plantu ol Memba bilong Hailans i wari na ting dispela ileksen bai nonap ron gut bikos ol nem bilong manmeri inap long vot i stap long ilektoral rol i no stret.

Tasol Trawen i givim belisi long ol taim em i tok: “Olgeta nem bilong Momase, Sauten na Niugini Ailans Rijen i redi pinis. Nau

mipela bai pinisim laspela wok bilong Hailans rijen.”

“Ol wok ap-det bilong Hela, Sauten Hailans, na Jiwaka i redi pinis. Mipela salim i go aut dispela ilektoral rol bilong ol dispela provins long ol Ritening Opisa (RO) long larim ol manmeri yet i gat sans long sekim gut 1-pela moa taim gen.

“Plantu kaunsil wot long Westen Hailans, Enga, na Simbu tu i redi tasol mipela i mekim ol laspela wok long hap. Nau mipela i wari long lsten Hailans. Tasol wok i go gut bikos mipela i stretim pinis ilektoral rol bilong 34-pela kaunsil wot long Is na Wes Okapa LLG,” Trawen i tok.

Em i tok dispela ilektoral

rol i no nupela samting PNGEC i tingting long kamapim bilong karimaut dispela ileksen.

“Nogat, em i no nupela rol. Em i olupela rol. Mipela i putim nupela nem bilong ol manmeri husat i nap long vot na rausim ol nem bilong ol manmeri i no nap long stap,” Trawen i tok.

Em i tok Seksen 105

(1)(c) bilong Mama Loa i tok long surukim ileksen i no longpela taim tumas tasol long 3-pela mun tasol.

Olsem na long surukim ileksen i go long Mei 18 em i stret. Nogat wanpela asua i stap long dispela det bikos em i insait yet long dispela de we em bai makim 5-pela yia bilong pastaim ileksen i bin kamap.

TELI Apdeit

Tok klia long SMS Data na Vois Top-Ap

Telikom PNG i autim SMS Vois na Data top-ap bilong ol pri-peit kastoma bilong en.

SMS Vois top-ap

Risasim Vois Akaun Bilong Yu

1. Sikirapim rausim silva panel long baksait bilong

Telikad/Rait Kad namba long painim 12-pela dijiti namba.

2. Opim nupela SMS

3. Taipim V bilong vois; bihain taipim * na bihain,

Telikad/Rait Kad Namba

4. Salim i go long 1257

5. Wet liklik long kisim SMS bekim

Olsem: Taipim

(V*xxxxxxxxxxxx) salim i go long 1257

Yu bai kisim wanpela SMS we

i tok klia long balens long akaun bilong yu

•Sekim Vois Balens bilong Yu

1. Opim wanpela blenk SMS

2. Salim i go long 1256

3. Wetim balens bekim bilong yu

SMS Data top-ap

•Risasim Data Akaun Bilong Yu

1. Sikirapim rausim silva panel long baksait bilong

Telikad/Rait Kad long painim

12-pela dijiti o namba

2. Opim nupela SMS

3. Taipim D bilong data; bihain taipim * na taipim

Telikad/Rait Kad Namba, bihain * na Data yusa namba bilong yu.

4. Salim i go long 1257

5. Wetim SMS bekim bilong yu

Olsem: Taipim

(D*xxxxxxxxxxxx*xxxxxxxxx)

Yu bai kisim wanpela SMS we

i tok klia long balens long akaun bilong yu

Sekim Data Balens Bilong Yu

1. Opim nupela SMS

2. Salim i go long 1256

3. Wet long kisim bekim long balens

Ringim 247 Kastoma Kea

long 3456789



Call Us Today 345 6789

Mani i wan- pela hevi long ol meri kendidet

Veronica Hatutasi i
raitim

WANPELA bikpela samting we tupela de trening woksop bilong ol meri kendidet long Sauten rijen i luksave long en em long fainens, baset o mani.

Ol meri i luksave olsem dispela em i eria we ol i bongim hevi long en bikos planti bilong ol i nogat planti o inap mani long karimaut ol wok kempain bilong ol long stat i go inap long pinis bilong ileksen.

Ol meri i bin autim olsem nominesen fi, ol posta wantaim ol mesej o ol bikpela toktok we ol i laik autim, wokabaut hariarim kar, motobot na ol narapela, lukautim ol skrutunia na ol sekyuriti em i kostim bikpela mani we i hat long ol i painim ol yet.

Tasol ol trena fasiliteta long woksop olsem Norm Kelly long Senta bilong Demokretik Institusen, Linda Reynolds na Lesley Clark, em tupela bikmeri bilong Nesenel Yunivesiti Senta bilong demokretik institusen bilong Australia i wok long karimaut ol woksop long 4-pela rijen bilong dispela kantri na Dokta Orovu Sepoe i bin tokim ol long menesim gut mani ol i gat long ol bikpela eria na joinim tu ol politikel pati i narapela rot.

"Baset fanding i wanpela samting we tupela de woksop na dispela bilong las wik i luksave long en olsem wanpela hevi ol meri i gat long em.

"Tasol wanwan long yu-
pela i mas lukim hamas yu
mani yu gat, wokim baset

na wok aninit long hamas
mani yu gat long baset.

"Yu ken lukluk long pati
sapot, tasol sapos nogat,
plenim gut hamas mani yu
gat na hamas bai yu
yusim olsem wanpela in-
dependen kendidet," Mista
Kelly i bin tokim ol meri
long woksop.

Wanpela lida meri husat
i bin sanap long nesenel
ileksen pastaim long Ne-
senel Kapitel Distrik na i
laik sanap resis long nau
ileksen i bin tok wanpela
bikpela eria we ol meri i
mas lukluk long basetim
mani em long ol skrutinia
na ol sekyuriti bilong ol.

"I bikpela samting long
lukautim gut ol skrutinia na
sekyuriti bilong yupela,
olsem mi bin painimaut
long laspela ileksen.
Lukautim ol gut na ol bai
mekim gut wok na lukau-
tim yu gut tu," Mis Loko i
tok.

Narapela meri kendidet
na biknem meri long NCD
na Galp provins, Cathy
Tom, i tok reli em i nara-
pela gutpela rot long autim
ol mesej na toktok bikos
planti pipel i bung bai
harim na kisim ol toktok.

Laeko Bala i wanpela
bikmeri long Sentrel
provins na bai resis long
dispela ileksen i tok midia
em i narapela gutpela rot
long autim ol toktok, tasol
ol meri i ken painim ol rot
we ol i lukim olsem em i
no kostim bikpela mani
long ol.

"Yumi ol mama na yumi
ken menesim famili na
haus bilong yumi. Yumi
ken kisim dispela na
yusim long menesim kem-
pein wok bilong yumi,"
Misis Bala i tok.

SAY NO TO PLASTIC BAGS

Plastic bags damage our planet, choke waterways, litter the countryside and kill wildlife.

Say Yes to PNG's environmentally friendly solution and create your own BSP branded bilum bag or basket. It could win you a cash prize and help save the environment.

The Competition

BSP is inviting everyone to enter for a chance to win great cash prizes by creating a traditional woven bilum or basket made with natural fibre.

Eligible entries must have:

1. The BSP lime green Logo; or
2. the BSP lime green colour; or
3. the text "BSP Go Green"
4. to be original and creative
5. to be woven traditionally.

The Prizes

There are great weekly & major cash prizes. All entries receive BSP merchandise.

All weekly winners will be in the running for the major prizes

Competition **Starts 20th February** & all entries should be submitted by **April 30th**. Weekly prizes announced April 5th, April 13th, April 20th, April 27th, May 4th and May 11th. **Major Prizes announced May 18th**



Entries Close
April 30th 2012

ENTRY FORM

Drop your completed entry form into your local BSP Branch.

Name: _____

Age: _____

Gender: _____

Email: _____

Mobile No: _____

Address: _____

Town: _____

Province of origin: _____

BSP Acc No: _____
If not a BSP customer, provide proof of identification to claim prizes

Sign: _____
I have read & agree with the competition terms & conditions.

Terms and Conditions

1. To enter and be eligible, entrants must complete the official entry form, completing all relevant details.
2. Entries must comply with the criteria of the competition.
3. By entering the competition, entrants give BSP the ownership of the entry, which may include a billum, basket and craft stored in the criteria.
4. By entering the competition, entrants give BSP the right to use the entry for any marketing and promotional purposes.
5. By entering the competition, entrants agree and acknowledge that they may be contacted by BSP to provide comments about the competition and BSP may take photographs and video recordings of them.
6. Entrants may enter the competition only once and must submit original entries only.
7. Entrants can only enter the competition on their own name and not on behalf of someone else.
8. Eligible entries received will be judged by a panel of BSP representatives. In accordance with the criteria.
9. Staff and their immediate family members (mother, father, brother, sister, children, niece, nephew, grandchild, etc.) are not eligible to win prizes.
10. Winning entrants must provide proof of identification to claim prizes.

Go Green for Sustainability
Visit our website for more details

Niupela Maggi Magic Teist
Wanpela kain kuing pauda

Bai givim BEST teist long kainkain kuk

The uncertain times ahead

SO, now we have another shocker from Peter O'Neill and Co, and it is business as usual until the public voice their dissent.

The young men and women from UPNG must be our heroes and heroines for showing courage, determination and their commitment to the cause, when they held up their hands and marched through armed blockades by Moresby's finest, who are now being used as if they were members of a private in-house security firm.

And Dr Allan Marat, the Minister for Justice and the Attorney General, seems to have become so parochial as to suggest that the march by students was the product of Engan students in efforts to protect their wantok, the Chief Justice. What a simoleon Dr Marat must be? Is that how far his mental faculty helped him to deduce from the whole matter starting with his Judicial Conduct Bill? If this is the calibre of Dr Marat, then little wonder that Peter O'Neill and Belden Namah are in trouble with the Law. Their captain does not know his own field of expertise.

Yes, the motive behind the Bill was clearly to outlaw a number of Judges who will not be intimidated so easily from their constitutional offices as Judges of the Independent State of Papua New Guinea.

Let us face the truth. Our Judges, just like all other Judges, do not have a private police force like O'Neill and Namah to do their dirty job. They do not own a private army like these two gentlemen. They can order any call-out at will, and they do not have access to the National Treasury to buy political support like Namah and O'Neill can.

What the Judges rely on as a means of cohesion for their Orders, is "respect" characterized by their schooling in the law, their performance at the bar, their good character generally, their personal integrity and finally, the dignity of the office of a Judge. And with that come other legal procedures for enforcement of the Orders.

Where there is an open and hostile attack on the integrity of a Judge, then all he is left with to use, is the contempt provision in the law to protect his office, and no more.



And why should O'Neill and Namah be so paranoiac about punishing Judges who are powerless, but are still performing their constitutional duties without fear or favour? That's anybody's guess.

Our Judges are not responsible for this rot which has settled in Papua New Guinea since Independence.

You want to search out the real culprits in the short history of PNG, then such culprits must include Sir Michael, Sir Julius, Sir Mekere, Pius Wingti, Sir Rabbie and long time politicians like Bart Philemon, who have served under these hopeless Prime Ministers who were there only for themselves and their associates, and not the bulk of the population.

'Leave our Judges alone' is the message the University students have undertaken to convey to the politicians, and we congratulate them for their stance on the issue.

You have made us proud, and put to shame such "human rights lawyers" like Powes Parkop and other lawyers in the government like Allan Marat, Francis Awesa, and Moses Maladina.

The Judicial Conduct Bill is not an attempt to fill any assumed gap in the law on bias.

Thus, any lawyer who was responsible for the advice, or the actual drafting of this piece of horse manure, is not worthy of the noble profession of lawyering.

He, or she, is a coward and a political boot-legger.

And if such a lawyer carries on with this form of conduct they will end up with a hump back from licking the politician's boots.

We suggest that the UPNG Law School introduces a new subject called, "How to Lick Politicians' Boots and Suck their Toes", in their future Study Program.

And we suggest that they invite Dr Marat, LLB; LLM; PhD, as the first Chair to direct that and other associated courses

for their Law Degree at UPNG.

The law on bias is not a developing field of law. It is one of those well established fields of administrative law in the common law countries which have adopted the English law as the foundation of their legal system. The law on bias was borrowed by the Common Law Courts from the Ecclesiastical Courts which was responsible for the notion that no man should sit in judgment over his own cause.

And this notion has had two parts, namely, that a Judge sitting over a matter should not have a *personal interest* in the matter before him; and secondly, if he has no such interest then he must not have openly expressed his views in opposition to the subject matter of the proceedings then before him. The law required that in either case, the Judge must decline from the case and allow some other Judge to adjudicate.

And these are the 17th to 18th century concepts which have over the years fully developed to where the law on bias is now at.

Now it is no longer whether there is actual bias or not. The law is now whether there was likelihood of bias or whether there is a reasonable suspicion of bias. This is now a well established principle of law with necessary legal outcome should a Judge breach the Law.

Thus, we should ask Mr O'Neill and his Attorney General, Dr. Allan Marat: 'What major principle of law is now embodied in the recent judicial conduct bill?'

This Bill has not introduced anything new to the substantive law on bias. What it has done is to throw the entire law on bias into oblivion. It has opened up a can of worms and knowing what we Papua New Guineans are like, this Bill has created a new problem for us on a major scale, namely, the problem of "forum shopping" a well known principle of law in the field of private international law.

That is, every man and his dog will be going in and out of Court Rooms looking for a more sympathetic Judge or jury whereby he can be assured of winning.

Now our court rooms will turn into the kind of drama the American Courts are known for in jury selections.

However, the bigger and the

more sinister element in the Bill is the requirement under Section 5 (2) which reads as follows:-

"(2) If it appears to Parliament that a Judge has failed to disqualify himself pursuant to subsection (1) or has influenced a proceeding contrary to subsection (1), Parliament by way of a motion may refer the Judge concerned to the Head of State to appoint a Tribunal to investigate the breach of subsection (1) and provide a report to Parliament or may refer the matter to another Authority for an appropriate course of action."

The first problem with the above law is the question: "How will Parliament become seized of the matter of bias by a Judge?"

Will a private litigant resort to Parliament if he feels that a Judge is biased and if so what are the procedures to follow in taking the matter to parliament? And if this course of action is followed by a litigant, then what about the legal remedies available to him in the normal course of events? Are these abandoned in favour of this nonsense under the Bill? If not, then what are we doing here, and where are we heading with this Bill?

There are far too many uncertainties with this Bill.

It is not a well thought out and presented piece of legislation.

One look at the Bill will tell any layman that the Bill was prepared in haste and without any legal thought necessary to work out a number of important points, namely; is parliament now entering the field restricted to the judiciary and if so, what is now the extent to which the theory of separation of powers has been eroded by this Bill; and secondly, what is the primary objective that parliament has in mind in bringing about this Bill?

There are far too many questions to ask regarding this Bill that if it is put into force, one doubts if decent lawyers will succumb to the temptation to adopt the nonsensical this piece of ill-thought and advised legislation.

And what is Somare up to these days? He is now very quick to shout, "wolf, wolf" every time O'Neill and Namah come up with their own surprises like the above Bill on Judicial Conduct. And then he attacks the Ombudsman Commission for silence over the Bill and he appears all "paranoia" about this small piece of legislation.

Obviously, Somare has a

memory problem. He cannot recall that immediately before he left for Singapore on his medical holiday, he was responsible for that amendment of the law whereby the powers of the OC was curtailed and the Ombudsman Committee under Maladina took over the matter of supervision and control of the Commission. And then Sir Michael gave us that amendment of the Environmental Law, taking away the rights of the landowners to take development companies to court over environmental damages. Thanks to O'Neill and Namah, this law has now been repealed. Somare, you nogat sem tru!

And now Sir Michael would like us believe that he is the great champion of the people and their rights. Go away Somare and get lost. You are a lost cause. We the people have trusted you over the years and what have you left us and our children to treasure in the generation to come? Nothing!

You were too busy building up a little empire of your own using public money. You were building up a likklik dynasty and in so doing, getting yourself surrounded by families and associates. Even within the NEC you had your little "inner circle of advisors" captained by none other than "the artful dodger", Arthur the Somare. Forget the country; just take a look at what you have done for your own Province of ESP. You did nothing!

It is a fat zero and yet year in and year out these people closed their mind to your lack of support and kept voting for you for such an extent of time that you started to look upon returning every five years as if it was a matter of right bestowed on by some divined providence. You are a sick man. That is for sure.

And now that it is O'Neill and Namah taking their turn to rape the country and empty the till, you are shouting, "wolf, wolf!". Wanem? Yu tasol bai kaikai? Tupela em man tu hia. Na yu ken pasim maus.

You, Sir Michael, lack the legitimacy to speak for the very people that you have exploited during your terms of office.

In 6 months after taking office these two gave the people free health and free education. That is not too bad a record. And what is yours in 40 years of governance? Zero balance!

Tumora bai olsem wanem?

ORAIT, nau mipela i lukim narapela bikpela birua i kam long Peter O'Neill na ol boi bilong em, na em i olsem tasol inap pablik i autim kros bilong ol.

Ol yangpela man na meri bilong UPNG em ol hiro bilong mipela bikos ol i soim strongpela bel na tingting na holim han taim ol i mas i go abrusim ol polisman i holim gan. Ol polisman i kamap olsem praiwet sekyuriti gad gen.

Na Dokta Allan Marat, Minista bilong Jastis na Atoni Jeneral, i wok tok olsem dispela ma sol sumatin i mekim em i kamap long ol Enga sumatin long traim strongim wantok bilong ol Sif Jastis. Em wanem kain toktok ya? Save bilong em i arere tasol bai em i mekim dispela toktok long traim kliarim dispela Judisal Kondak Bil? Sapos em i mak bilong save bilong em, orait, i mas tru, bikos Peter O'Neill na Belden Namah i wok long stap long hot sup klostu klostu.

Em nau, as bilong dispela Bil em i klia. Em bilong rausim ol jas husat i no surik long wok bilong ol olsem ol Jas bilong Indipenden Stet bilong Papua Niugini.

Yumi mas tok stret. Ol jas bilong yumi, wankain olsem olgeta arapela jas, i nogat wanpela praiwet polis fos long mekim ol hait, pipia wok bilong ol, olsem O'Neill na Namah. Dispela tupela man i ken mekim kolaut long laik bilong ol. Na ol jas i nogat rot long kisim halivim long nesanel tresari long baim politikal sapot olsem Namah na O'Neill i ken mekim olsem.

Samting ol Jas i save sanap strong long en bai ol i wok gut, em 'rispek' bihainim skul ol i kisim long loa, wok bilong ol olsem ol loya, gutpela pasin bilong ol, na strongpela bel bilong ol, na las tru, nem bilong opis bilong Jas.

Na wantaim dispela, i gat ol arapela loa rot bilong wok long strongim ol dispela oda bilong Jas.

Taim i gat bikpela na ples klia birua long nem bilong Jas, orait, em i nogat wanpela banis bilong em. Em bai yusim kontem provisin tasol long loa bilong banisim opis bilong em. I nogat moa.

Olsem na watpo O'Neill na Namah i skin kirap tru long mekimsave long ol Jas husat i nogat pawa long banisim ol,



Sabina's Corner

tasol ol i mekim gut konstitusional wok bilong ol, wantaim nogat pret o bihainim wanpela rot tasol. Em nau, yumi no save.

Ol jas bilong yumi i no stap long as bilong sting i kam sindaun long Papua Niugini long Indipenden na i kam.

Yu laik painim ol man i stap long as tru long asua long sotpela histori bilong PNG, orait, yu mas kotim tu Sir Michael, Sir Julius, Sir Mekere, Pius Wingti, Sir Rabbie na long taim politisen olsem Bart Philemon, husat i bin wok aninit long ol dispela ol praim minista husat i lukautim ol na ol wanlain bilong ol tasol, na olgeta arapela long kantri, ol i lus tingting long ol.

'Lusim ol Jas bilong yumi stap' em i toksave i kam long ol Yuni sumatin long stori long ol politisen, na mipela i luksave long ol long sanap ol i mekim long dispela samting.

Yu mekim mipela i amamas tru, na yupela i semim kain 'humen raits loya' olsem Powes Parkop na ol arapela loya long gavman olsem Allan Marat, Francis Awesa, na Moses Maladina.

Judisal Kondak Bil em i no traim long inapim wanpela samting i lus long loa i sut long pasin wansait.

Olsem na husat loya i go pas long givim stia tok, o i draftim dispela hap pekpek bilong dok, em i noken kolim em yet loya.

Em i wanpela lus man, na wanpela man o meri bilong smelim as bilong ol politisen.

Na sapos dispela loya i go het long dispela kain pasin, bai baksait bilong ol i solap long bendaun na likim tumas ol but bilong ol politisen.

Mipela i ting olsem UPNG Loa Skul i mas kamapim wanpela nupela subjek ol i kolim, "We bilong Likim ol But bilong ol Politisen na Susu long ol pinga bilong ol" long ol stadi progrem bilong ol long bihain.

Na mipela i ting olsem ol i mas kisim Dokta Marat, LLB; LLM; Phd, olsem namba wan Siaman long stiaim ol na ol arapela kos long kisim loa digri long UPNG.

Loa long pasin wansait em i no wanpela fil bilong loa i wok long kamap. Em i wanpela long ol dispela fil bilong edministretiv loa i stap long taim pinis insait long ol komon loa kantri we i bihainim Inglis loa olsem faundesen bilong ol ligel sistem bilong ol. Loa long pasin wansait em ol i kisim long ol Komon Loa Kot long ol Eklesia Kot i go pas long tingting olsem nogat man i mas sindaun jas long wok em yet i mekim.

Na dispela tingting i gat tupela hap, namba wan em Jas i sindaun glasim kot i noken gat wanpela pesenal intares long kot em i glasim; na namba tu, sapos em i nogat samting long kot em i glasim, orait, em i noken tok autim ol tingting bilong em long go agensim kot jasmem em i sindaun long en. Loa i tok olsem long tupela sait wantaim Jas yet i mas lusim kot na larim narapela Jas i go pas long skelim.

Na ol dispela em ol loa tingting bilong 17 na 18 sensari yet we i kam, i kam na nau em i holim strong loa bilong pasin wansait i stap nau.

Nau, em i no moa askim sapos em i tru tru pasin wansait o nogat. Loa nau i askim sapos i gat sans long pasin wansait i kamap, o sapos i gat inap tingting olsem i mas i gat pasin wansait.

Dispela nau em i wanpela strong pela astingting bilong loa wantaim loa mekimsave, sapos Jas i brukim loa.

Olsem na mipela i mas askim O'Neill na Atoni Jeneral bilong em: "Wanem bikpela astingting bilong loa i stap insait long dispela judisal kondak bil?"

Dispela bil i no bin kamapim wanpela nupela samting long bikpela loa long pasin wansait.

Samting em i mekim, em i tromoim olgeta loa long pasin wansait i go aut olgeta. Em i opim tin snek na long pasin bilong yumi PNG, dispela Bil i kamapim nupela hevi bilong mipela, olsem hevi bilong 'forum soping', wanpela bikpela astingting bilong loa long fil bilong praiwet intanesenel loa.

Em i olsem. Olgeta wanwan man na dok bilong em bai go kam long ol Kot Rum long painim wanpela Jas ol i ting bai lukluk gut long ol, o wanpela juri, bai ol i ken winim kot.

Nau yet, ol kot rum bai kamap olsem ol Kot long Amerika i save mekim long makim ol juri.

Tasol, bikpela moa pasin stil

long dispela Bil i stap aninit long Seksen 5 (2) we i tok olsem:-

"(2) *Sapos Palamen i lukim olsem wanpela Jas i no rausim em yet aninit long sabseksen (1) o i senisim kot wok agensim sabseksen (1), Palamen yet, wantaim wanpela mosen, i ken riferim Jas i go long Het ov Stet long makim wanpela Traibunal long sekim asua long sabseksen (1) na i givim wanpela ripot i go long Palamen o i ken salim i go long narapela Atoriti long karimaut wok mekimsave.*"

Namba wan asua wantaim dispela loa antap, em i askim: "Palamen bai kisim dispela luksave olsem Jas i wansait, olsem wanem?"

Na ol praiwet manmeri i ken go long Palamen sapos em i pilim olsem wanpela Jas i wansait na sapos i olsem, wanem ol rot i stap long bihainim long karim i go olgeta long palamen? Na sapos wanpela manmeri i kot i bihainim dispela rot, olsem wanem long ol loa rot i stap long em long bihainim long go long kot tasol? Ol i lusim olgeta dispela long bihainim stia aninit long dispela Bil? Sapos nogat, orait, yumi mekim wanem stap, na yumi wok go we tru wantaim dispela Bil?

I gat planti askim tumas long dispela Bil.

Dispela bil, ol i no skelim gut tingting long en.

Man nating i ken lukluk long dispela Bil na luksave olsem ol i hariap tru long mekim dispela bil, na ol i no skelim gut sampela ol bikpela samting, olsem; palamen nau i wok long go insait long wok bilong judisari, na sapos i olsem, olsem wanem long luksave long separesen o brukim bilong ol pawa; we dispela bil i wok daunim; na namba tu, wanem em i as tru long Palamen long kamapim dispela kain loa?

I gat planti askim tumas long dispela bil, na sapos em i kisim strong, nogut ol gutpela loya manmeri bai no laik bihainim dispela kain bil ol i hariapim olsem.

Na olsem wanem long Somare? Nau em i wok hariap tru long singaut, "wolf, wolf" olgeta taim O'Neill na Namah i kamautim wanpela nupela samting olsem dispela bil long Judisal kondak.

Na taim em i sutim pinga long Ombudsman Komisen long ol i opim maus long dispela Bil, em i skin kirap tru na

belkaskas nabaut.

Turangu, ating em i gat hevi long tingting bilong em. Em i no tingim olsem pastaim long em i ronawe i go long Singapo long silip haus sik, em i bin go pas long senisim loa we i rausim ol pawa bilong OC na Ombudsman Komiti, aninit long Maladina i bin tekova na bosim Komisen. Na bihain, Sir Michael i givim mipela ol senis long loa bilong Envairomen, we i rausim ol rait bilong ol papagraun long kotim ol developmen kampani long birua i kamap long busgraun. Tenkyu long O'Neill na Namah, dispela loa, ol i senisim pinis. Somare, yu nogat sem tru!

Na nau, Sir Michael i laik bai mipela i bilip olsem em i namba wan sempion bilong ol pipel na rait bilong ol. Plis, tekov i go nabaut. Yu nogat moa strong na mipela nogat moa bilip long yu.

Mipela ol pipel i bin bilip long yu na yu no lusim wanpela samting long mipela na ol pikinini bilong mipela. Nogat tru!

Yu wok long bisi long bildim liklik empai bilong yu wantaim mani bilong pablik.

Yu wok long groim kampani bisnis bilong yu, na yu kamapim ol famili na wanlain bilong yu tasol. Insait long NEC tu, yu bin gat liklik ol lain etvaisa husat i wok kisim stia long dispela 'stail mangi', Arthur, em Somare yet.

Lus tingting long kantri; lukluk long wok yu mekim long provins bilong yu yet long ESP. I nogat samting tru long hap!

Na olgeta yia, ol dispela pipel i wok pasim tingting yet na givim sapot na votim yu i go, na yu wok lukim kambek bilong yu olgeta faivpela yia olsem wanpela kain rait wanpela kain god yet i givim yu. Yu sik ya. Em i klia.

Na nau em i taim bilong O'Neill na Namah long repim kantri na pinisim olgeta kina na toea, na yu wok singaut, "stil dok, stil dok!" Wanem? Yu tasol bai kaikai? Tupela em man tu ya. Na yu ken pasim maus.

Sir Michael, yu nogat as long toktok makim ol pipel yu yet i bin yusim taim yu stap long opis.

Insait long sikspela mun bihain long ol i kisim opis, dispela tupela i givim pipel fri helt na fri edukesen. Em i orait. Na insait long 40 krismas yu holim pawa, yu givim wanem? Nogat tru! Ziro Balens!

Akioloji program pulim planti sumatin

Veronica Hatutasi i raitim

WANPELA skul malolo program i pulim planti sumatin i go insait long em long Nesenel Kapitel Distrik.

"A mind journey-School holiday program" o wok-abaut bilong tingting-skul malolo program, i wanpela program we Nesenel Musium &At Galeri i ranim long dispela namba wan skul malolo tem.

Samting olsem 32 Gret 9 i go inap long Gret 12 sumatin i go insait long dispela program.

Aninit long dispela pro-

gram, ol sumatin i lainim ol samting i karamapim histri na akioloji o skul na wok long save long kamap bilong man, rot em i kamap, wokim ol samting, watpo em i mekim ol samting, pasin, ol samting em i mekim long lukautim em yet na moa.

Man i go pas long dispela program wantaim Nesenel Musium na At Galeri, Michael Kisombo, i tok ol i statim dispela program bikos ol i laik strongim tingting bilong ol sumatin taim ol i yangpela yet, long gat intres o laik long kalsa, tumbuna pasin na envaironmen.

"Bikpela tingting mipela i gat na i statim dispela pro-

gram em, long strongim tingting na laik bilong ol sumatin taim ol i yangpela yet. Na taim ol i skul, tingting bilong ol i ken op long kiism intres long skruim skul bilong ol i go long kamap akiolojis.

"Planti gutpela samting i wok long kamap long sait bilong akioloji, kalsa na histori long PNG, na i moabeta long moa sumatin bilong yumi yet long PNG i go insait long wok akioloji na histori.

"Planti ol nupela samting em ol i wok long painim long PNG i kam inap nau," Mista Kisombo i tok.

Long 32 sumatin i go insait long kos, Mista Kisombo i

tok i gat 13-pela meri na ol narapela em ol man.

Em i tok long Tunde, ol sumatin i bin go antap long Bomana we ol bin lukluk long wanpela hap ples i gat ol samting ol i ken lainim long em.

Long ol narapela de inap tumora, ol sumatin i stap long Nesenel Musium hap na skruim lainim bilong ol long ol wok ektiviti na ol lesen.

Mista Kisombo i tok ol akiolojis i save mekim ol wok stadi long histori long ol samting i kamap long PNG i painim ol bikpela samting long dispela kantri.

"Ol wok painim bilong ol

akiolojis i soim ol bikpela samting long rot we man i bin stap long hap graun ol i kolim long Sahul. Dispela em i hap graun o ples i stap olsem bris namel long Australia na Papua Niugini.

"Tupela ples we ol bin painim ol bikpela samting long dispela kantri ol sumatin bai glasim long skul malolo program em long Kuk insait long Westen Hailans we i putim PNG long wol map olsem wanpela long ol paionia ples long wol long wok gaden o agrikalsa i bin stat long en.

"Namba tu em ol i painim long Kosipe long Goilala eria insait long Sentrel provins

we i bin raitim bek histori olsem wanpela long ol ples long Sahul ol man i bin sindaun pastaim long en," Mista Kisombo i tok.

"Mipela i bilip olsem kain program olsem bai kirapim tingting na laik bilong ol sumatin long gat laik long skul na wokim historian luk-save long ol yet na ol man-meri long wol," Mista Kisombo i tok.

Bilong go insait long dispela program, ol sumatin i bin ringim ol opisa long Nesenel Musium na At Galeri long telepon namba, 3252422 na rejistaim nem bilong ol.

Program bai pinis tumora.

Madang papagraun kisim K1 milien kontrak long stretim Raikos Haiskul

WANPELA lenona kampani, Wass Matau Limited, i kisim moa long K1 milien i kam long Mineral Risos Atoriti (MRA) long stretim na wokim kamap gut Raikos Haiskul long Madang provins.

MRA long Mande dispela wik i tokaut long kontrak em i givim i go long Wass Matau Limited long Madang we mani mak i stap olsem K1,00300,00 i go long dispela lenona kampani. Ol lain husat i stap long lusim dispela opisal givim bilong sek mani em ol lain bilong Ramu NiCo, Madang provinsal gavman na man i makim Treseri na ol komyuniti lida.

Dispela em i namba wan hap kontrak wok aninit long helpim Stet o Nesenel Gavman i givim long sait long infrastraksa developmen aninit long Ramu Projek MOA. Na bai i lukim lenona kampani Wass Matau, i karimaut wok meintenens na stretim ol domitori o ples-slip, skul mes na ples bilong kaikai na ablusen o ples bilong waswas long Raikos Haiskul.

Komyunti Projek Enjinia bilong MRA, Yako Punin Minaro, i givim sek mani i go long ol dairekta bilong Wass Matau. Na em i askim dispela lenona kampani long wokim gut wok na kamapim projek long taim stret na wokim gutpela kwaliti wok.

"Olsem wanpela lenona kampani husat bai helpim ol papagraun na skul tu wantaim, mipela i no surik long givim yupela dispela kontrak. Tasol mipela askim yupela long helpim mipela (MRA) long bringim kamap

dispela projek long taim stret na kamapim gutpela kwaliti wok," Mista Minaro i tok.

Em i salensim ol dairekta bilong Wass Matau ol olsem sapos ol i no kamapim dispela ol projek long taim stret, em bai lukim kampani i gat hevi long bihain long kisim ol kontrak.

Mista Minaro i tokaut olsem nambawan projek MRA i bin givim mani long kamapim em K1.3 milien kontrak i go long Maigari Limited long wokim kamap 8-pela haus bilong ol polis long Walium na Usino Stesin. Namba tu kontrak we mani mak em K1. 2 milien na dispela i bin go long Kurumbukari (KBK) Limited long wokim Not akses rot long Kurumbukari eria.

Maigari Limited i makim ol inlen paipain eria bilong Ramu Projek, na KBK i makim ol papagraun bilong Kurumbukari, na Wass Matau i makim ol Kostal paipain eria.

Bod Siaman bilong Wass Matau, Steven Saud, i tokim ol lain bilong MRA na gavman olsem ol bai kamapim na bringim wok long taim stret na bai kamapim gutpela kwaliti wok.

Mista Saud i tok olsem dispela projek em bai helpim lenona kampani na ol dairekta bilong Wass Matau bai mekim gutpela wok we bai lukim gutpela helpim i go long Raikos Haiskul na ol lain papagraun.

Ramu Projek kodineta, Carter Oiee, i tok amamas long Wass Matau Limited na i salensim ol long kamapim na bringim projek long taim stret, na ol skul pikinini i ken kisim helpim.

"Edukesen em bikpela samting tru bilong ol pikinini bilong yumi na yumi mas wok strong long bringim projek i kamap na mi laik tok amamas i go long Wass Matau long kisim dispela salens," Mista Oiee i tok.

Kodineta bilong Mains long Madang, John Bivi, na deputi jeneral menesa wantaim Komyuniti Afes long Dipatmen bilong Ramu NiCo, Stotick Kanya, i tok amamas long Wass Matau Limited long winim dispela kontrak.

Mista Kanya i askim ol lain papagraun long putim ol politiks bilong ol i go long sait long taim ol i wok wantaim dispela mani ol i kisim long kamapim stret projek.

Raikos Hai Skul i stap insait long Kostal Paipain eria long Ramu Projek we Mass Matau em i lenona kampani makim ol papagraun insait long dispela eria.

Evanjelikol Luteran Sios (ELC-PNG) i ronim dispela hai skul, tasol bihain long nogut gutpela menesmen i lukim skul bilding na ol arapela samting i go bagarap tru. Na haus bilong ol tisa tu i bagarap na turangu ol sumatin i save kukim kaikai bilong ol long ausait. Ples bilong ol sumatin long waswas tu i go bagarap olgeta.

Ramu NiCo em i wanpela bikpela developa, tasol insait long dispela eria na long sampela yia i go pinis, em i helpim wantaim wanpela trakta we kos bilong en K40,000 long helpim long kamapim ol agrikalsa wok insait long skul.



PROMOTIM SEFTI: Stail meri Raikos, Christa Freyberg i soim ol naispela piksa buk we i givim toktok long sait long sefti. **Poto: James Kila**

Christa na NCS-Raibus promotim sefti long Basamuk

James Kila i raitim

INSAIT long Apex Nesenel Maining Sefti Wik long PNG, ol kampani we i wok klostu wantaim maining indastri i soim gutpela pasin na helpim long promotim sefti long wok ples.

Moa long en tu, sampela olsem NCS i go het tu long promotim sefti long kaikai ol wokman meri i save kisim oltaim long bodi bilong ol long stap helti oltaim.

NCS em wanpela bikpela katering o kuk kampani o lain we i go pas long givim na lukautim kaikai na fud saplai long ol bikpela maining kampani insait long PNG.

Long Basamuk we bikpela nikel na kobalt developa i gat

bikpela rifaineri plent bilong en, i gat tupela nupela na stail mes o ples bilong kaikai ol wokmanmeri bilong kampani i save go kaikai long en. Wanpela i stap long nupela kem we ol wokman meri i stap slip long en, na narapela i stap insait long rifaineri eria.

Kampani we i save givim naispela ol kaikai long ol wokman meri bilong developa Ramu NiCo long Basamuk na Kurumbukari em NCS. Long Madang, i gat join vensa patna wok i kamap we ol i kolim NCS-Raibus.

Insait long Nesenel Sefti Wik i no long taim i go pinis, wanpela naispela meri bilong NCS-Raibus i mekim gutpela wok stret long

sanap long mes eria bilong Basamuk long givim aut ol buk we i givim toktok long sait bilong sefti, na wanem ol gutpela kaikai long kisim long bodi long stail helti oltaim. Nem bilong dispela meri Raikos em Christa Freyberg.

Christa em lokal meri bilong Raikos na pasin long givim na tokaut stret long sefti long nesenel sefti wik i go rait stret.

Meri ya i sindaun long wanpela tebol long mes long nupela kem long Basamuk na givim aut naispela kala buk na piksa long ol wokman meri long ridim na save gut long wanem kaikai na samting ol i kisim long bodi bilong ol long stap gut oltaim.



Yut, Meri na Famili wantaim Lorraine Siraba

PNG i nidim kain lidasip i putim Bikman i go pas

KAIN disisen we gavman i mekim long surukim nesanel ileksen long 6-pela mun i narapela disisen we i traim "patience" o pasin bilong stap isi, maski samting i ken kirapim belkros long dispela taim.

Long sotpela taim nau gavman bilong O'Neill-Namah gavman i yusim strong long planti memba long wokim ol disisen we i hatim bel long publik bilong kantri. Em ol disisen osem dispela ol i putim mak bilong krismas we man o meri i mas gat long kamap na stap olsem praim minista, Judiseri Kondak Ekt, na skruim taim bilong 2012 nesanel ileksen i go long 6-pela mun i kam.

Wanwan long ol dispela disisen i kamapim ol kain bekim na mekim planti pipel i no wanbel.

Taim kantri i wok long redi long go insait long nesanel ileksen, makim raitpela lida em i bikipela samting. Tasol PNG i no nidim tasol gutpela lida, em i nidim lida i luksave long Bikipela olsem bosman bilong em, wanpela i gat gutpela na stretpela pasin husat pipel i ken trastim o luksave long em olsem man o meri we ol i ken kisim wari na hevi bilong ol na em i kisim i go antap wantaim ol atoriti, na kaikai i kamap.

Olsem kantri i tok em i wanpela Kristen kantri, i moabeta long askim helpim bilong Bikipela long gat ol gutpela lida we bai lukim olsem i gat ripot long rot bilong yusim mani na mekim ol narapela samting, ol samting em i mekim i mas stap long ples klia na nogat hait pasin, tilim ol risos samting long wanpela level na i no givim moa long wanpela na liklik long narapela na givim hop long pipel.

Bai yu kisim gutpela tingting long Bikipela sapos yu tanim bel na kisim Jisas olsem pesenel sevia na Lod, ritim Baibel bilong yu long olgeta de na luksave olsem yu stap long han na lukaut bilong Papa God.

I gat planti lida long Buk Baibel olsem Moses, we yumi ken lainim planti skul long ol. Moses i bin kisim ol pipel bilong kantri Israel lusim Ijip, yangpela Joshua i bin kamap bos long kantri bilong em stat yet em i liklik wantaim 10-pela krismas, na Joseph husat i piksa bilong man wantaim bikipela daunpasin. Dispela i soim olsem i gat planti gutpela samting man inap wokim sapos em i no painim pawa, biknem na mani.

"Pride" o pasin bilong mi moa yet em strong bilong sin pasin. Na yumi lukim pinis pasin ol kain lida i soim ol yet na ol i lusim fokas bilong ol long as tru we ol i sanap long pipel i votim ol bilong kisim sevis i go long pipel bilong ol.

I moabeta yumi mas lukluk gut long kain lidasip bai kisim sevis i go long pipel bilong em.

Taim ileksen i kam klostu, i moabeta yumi tingting gut tru na wokim gutpela disisen bai kamapim ol gutpela samting na helpim pipel.

Ol meri kendidet i kisim skul long plenim kempein

TAIM bikipela ileksen long PNG we i save makim ol lida long ranim kantri i kam klostu, ol meri lida i wok long kisim skul long luksave long strong na sans bilong ol na wanem samting ol i ken mekim long karimaut gutpela ileksen kempein.

Tupela bikmeri bilong Nesanel Yunivesiti Senta bilong demokretik institusen bilong Australia i wok long karimaut ol wok-sop long 4-pela rijen bilong dispela kantri.

Namba wan woksop bilong givim trening long ol meri kendidet i bin kamap long tupela de long Mosbi long las wik Fonde na Fraide.

Samting olsem 15-pela meri na ol kempein menesa i bin glasim ol rot long kamapim gut ol ileksen kempein plen bilong ol.

Bihainim dispela woksop long Mosbi, ol bai karimaut tripela moa long Hailans, Niugini Ailans na Momase.



KELTIGA: Ol mama na pikinini long Keltiga skul na komyuniti i amamas long opening bilong nupela skul klasrum long Keltiga Praimeri skul, Westen Hailans provins. Dispela i min olsem ol sumatin na ol skul tisa bai sindaun gut na mekim ol wok, na lukim ol gutpela risal. Dijisel Faundesen i bin bildim ol dabel stori klasrum. Foto: Dijisel Publik Rile-sens

PNG SUSTAINABLE DEVELOPMENT PROGRAM LTD

Long Lae, i gat wanpela NGO i save tingting na halivim

PAITIM ol hevi long komyuniti we i save kirap long ol taun na rurel eria bilong dispela kantri em i no wanpela isi wok long planti ol ogeniasesen husat i save givim sevis. Na taim olgeta dispela hevi i karim hevi bilong HIV na AIDS, ol dispela komyuniti hevi i save daunim tru ol manmeri i karim dispela binatang nogut. Em i save daunim wanwan famili bilong ol, ol hauslain na tu, ol poroman bilong ol.

Na mipela long PNGSDP i save stretim ol dispela hevi olsem wanem? Maski mipela i no inap long givim wanpela komyuniti sevis, mipela yet, mipela i ken sapotim sampela ol savemanmeri long go het long givim spesolais sevis bilong ol i go long ol komyuniti long kantri. Dispela em long sait bilong givim ol gren fanding o mani bilong karimaut ol projek we i bihainim stret olgeta halivim mani askim bilong mipela.

Stretim HIV na AIDS hevi em i wanpela salens, tasol i nogat planti samting i pasim ol non-gavman ogeniasesen na ol sios ogeniasesen husat i go pas long givim ol sapot sevis long ol pipel bilong yumi. Ol i stap bipo yet, na nau yet ol i stap na givim planti halivim tru long planti ol famili i wok painim sampela kain halivim.

City Mission na Anglicare StopAIDS PNG em tupela kain non-gavman ogeniasesen husat i winim pinis bikipela luksave long komyuniti long sevis ol i save givim. Long Lae, PNGSDP i amamas long wokbung wantaim ol dispela ogeniasesen long sanapim tupela bilding bilong opim wok bilong Haus Clare Senta bilong ol Pikinini i karim hevi bilong HIV na AIDS. Dispela senta em i wanpela sef ples bilong ol pikinini husat laip bilong ol i bagarap long dispela sik nogut. Ol pikinini i gat papamama i stap sindaun wantaim dispela sik, na i no inap long lukautim ol, o ol papamama husat i dai long sik AIDS na ol i nogat moa wanfamili husat i ken lukautim ol.

Bod ov Dairektas bilong mi i bin tok oraitim K250,000 bihein long ol i sainim projek fanding agrimen na ol stekholda na sapota bilong City Mission i bin stap long lukim opim bilong ol dispela bilding long Mes 15, 2011. Namba tu level bilong dabol stori bilding nau em i ples ol Angliken sister, husat i save lukautim dispela senta, i save stap long en. Na daunbilo long graun level, em i wanpela pilai na skul ples bilong ol pikinini bilong stap. Namba tu bilding i lukautim wasman husat i save was long mentenens na sekyuriti bilong banis. Narapela bilding i stap pinis, i gat ol bet, betsit na arapela samting i kam long ol ogeniasesen na wanwan manmeri long Lae, na i kamapim wanpela naispela ples bilong ol pikinini long stap long en. Mipela i luksave olsem dispela em i no haus bilong ol pikinini bilong stap oltaim, na i gat wok sekim i go het nau long bungim bek olgeta pikinini wantaim ol wanfamili bilong ol husat i laik lukautim ol.

Taim mipela i bin go namba wan taim long senta long 2009, i bin i gat 5-pela pikinini. Tude, i gat moa long 20 pikinini. Na taim HIV i wok long go bikipela moa yet long kantri, namba bilong ol pikinini husat i lusim rait bilong ol long stap insait long wanpela helt famili i wok long go antap tu.

PNGSDP i save kisim planti salens long tokaut long ol wok em i mekim long bungim na daunim ol salens bilong HIV. Moa yet, long planti ol wok mipela i sapotim insait long Westen Provins, na moa yet long ol dispela i sut long ol pikinini i karim hevi bilong HIV, mi amamas long toksave long dispela bikipela projek mipela i givim han long en long Lae.

I kam long tebol bilong CEO (Article #13 of 2012)

CEO: David Sode

Tel: (675) 320 3844/45 | Fax: (675) 320 3855 | Email: enquiries@pngsdp.com Website: www.pngsdp.com

Gutpela nius long kalabus meri bilong Australia long Indonesia

SAPOS ol bikman long Indonesia i wokim disisen, wanpela yangpela meri bilong Gol Kos long Australia bai katim sot kalabus taim bilong em long 10-pela yia na kamaut olsem fri meri.

Schappelle Corby i gat 34 krismas em dispela meri we gavman bilong Indonesia i bin putim em long 20 yia kalabus long yia 2004 taim ol bin painim olsem em i gat 4.1 kilogram hevi mariwana o spakbrus i hait long bek bilong em.

Long dispela wik, Mis Corby i harim olsem pastaim dispela yia i pinis, em bai harim nius long taim bilong em lusim haus kalabus olgeta.

Mis Corby i stap nau long haus kalabus long Indonesia long 8-pela yia, stat yet long yia 2004.

Planti bilong yumi long PNG i bin harim long nius, ritim long niuspepa na lukim long televisen (TV) stori bilong dispela yangpela meri Australia taim ol atoriti long ples balus na ol polis long Indonesia i bin holim pasim em long ples balus taim ol bin painim mariwana long bek bilong Mis Corby, na kalabus em.

Long dispela taim, Mis Corby i bin wok long go malolol long wanpela ples bilong ol turis, em Bali Ailan, long Indonesia.

Na taim ol atoriti na polis i bin holim pasim em, em bin tok em i no save long dispela samting, na sampela lain i bin wokim mistek na putim dispela spakbrus long bek bilong em.

Tasol Indonesia em i wanpela kantri long wol i gat strongpela loa we husat man o meri ol i painim em i karim spakbrus wantaim em, em i bilong kalabus o kilim dai em.

Kot bilong Mis Corby i bin kisim longpela taim tru na pablik long wol i bin save lukim na bihainim stori na kalabus bilong em ol i putim em long 20-pela yia.

Tasol long las wik, i bin gutpela nius long harim olsem Jastis na Humen Raitis Ministri wantaim gavman bilong Indonesia i bin salim pas i go long Presiden Susilo Bambang Yudhoyono long pogivim em (Mis Corby) na katim long hap, 20 yia kalabus taim bilong em. Dispela tu i bihainim wanpela aplike-sen pas ol bin salim long presiden tupela yia i go pinis we i askim long soim sori pasin na daunim o lusim Mis Corby i go fri.

Tasol taim presiden i tokaut long gutpela nius, Mis Corby bai lusim haus kalabus na go fri long tupela yia i kam na dispela em long 2014.

merinius

OLIPPAC i bagarapim sans bilong ol meri

Veronica Hatutasi i raitim

OGENIK Loa long Integriti bilong ol Politikel Pati na ol Kendidet (OLIPPAC) i no sapatim ol meri, tasol em i bagarapim stetus o sans bilong ol meri long go insait long haus Palamen, wanpela meri lida long kantri na kendidet long 2012 nesenel ileksen i tok.

Margaret Loko i tok olsem insait long tupela de Meri Kendidet trening woksop bilong ol Sauten Rijen meri kendidet na ol kempein menesa bilong ol long Mosbi long dispela wik.

"OLIPPAC i bagarapim sans bilong ol meri.

"Watpo OLIPPAC i stopim ol meri long sanapim wanpela politikel pati bilong ol meri yet?"

"Yumi senisim Ogenik Loa i karamapim dispela seksen na givim sans long ol meri long gat politikel pati bilong ol yet," Mis Loko i bin tok strong long dispela.

Ekting Rejistra long opis

bilong Integriti bilong ol Politikel Patis na Kendiset Komisn (IPCC), Dokta Alphonse Gelu, i bin givim toktok long ol meri long mekim klia ol loa bilong ol kendidet insait long woksop.

Taim Dokta gelu i givim sot-pelsa bekgraun o histori long politiks na ol politikel pati long PNG namel long 1975 na 2002, em i tok i no bin gat planti politikel pati, ol pati polisi i no bin min bikpela samting long ol vota na planti manmeri i no gat save long ol samting long wanem bikpela mak long pipel i no save long rit na rait long dispela mak long taim.

Na maski kantri i bin kisim yunivesel safrij o tok orait long olgeta man na meri i gat rait long vot long 1964, ol samting olsem kaikai na mani i save pulim man long makim ol kendidet na go vot na i no laik stret bilong vot.

Em i tok moa olsem tu liklik lain meri i bin sanap olsem kendidet na resis we i no mekim gut long go insait long haus palamen, developmen i

no bin gutpela na sevis i no go gut long olgeta hap bilong kantri na ol Palamen memba i no bisi long nits bilong ol wan wan ilektoret, tasol ol bin laik kontrolim ol mani.

Em i tok long 2001, Palamen i bin kamapim OLIPPAC wantaim bikpela tingting long stopim ol politikel hevi kantri i wok long bungim na moa yet, pasin we ol memba i wok long lusim wanpela sait olsem oposisen o gavman na go long narapela na tu, ol vot i nogat bilip long gavman.

Tasol em i tok OLIPPAC i no mekim samting long helpim ol meri i go long Palamen.

"OLIPPAC i no givim sampela spesel stia long ol meri long dispela kantri. Nogat senis i kamap long ol meri namel long 1975 na 2002 na nau tu, ol meri i no lukim senis aninit long OLIPPAC.

OLIPPAC i kisim insait ol man na meri wantaim long rejistresen bilong ol pati na kisim ol long ol pati.

"Tasol long rivyuwim OLIPPAC, mipela bai glasim jenda.

Tasol long wankain taim, bai mipela i was gut long noken abrusim ol eria we OLIPPAC i stopim intres bilong ol wan wan grup na piksa em long Katolik Sios i fomim pati bilong em yet, ol meri na husat wanwan grup moa olsem," Dokta Gelu i tok.

"Tasol sapos i gat komitmen long edresim jenda ikwaliti, OLIPPAC i no inap tanim baksait na ol askim i stap sapos ol meir i kien kamapim politikel pati bilong ol yet, ol long kamapim loa long ol pati i mas gat 5 pesen meri o hap long ol eksekutiv long ol pati i mas ol meri na ol kain tingting olsme.

"I no gutpela long senisim loa long kisim moa meri i go long Palamen, tasol long painim ol narapela rot long givim sans long ol meri i go insait long Palamen.

"Samting yumi ken mekim em long glasim kain rot bilong vot bai larim moa meri i gat sans long go insait long Palamen we i miks long fes pas the pos sistem na lista sistem," Dokta Gelu i tok.

Save i Ken Helpim

Sampela samting long helpim yu long helt sait

- Long daunim wari na hevi long planti wok long wokples, kisim planti Vaitamin B kaikai, olsem wanpela stadi long Swineburn Yunivesiti bilong Teknoloji long Melbon, Australia i soim.

Long stat bilong sevei o wok painim stadi, ol bin glasim 60 pipel ol i wokim tes long ol long ol samting olsem pesenaliti o pasin bilong wanwan, wok bilong ol na mak long wok ol i mekim na wari long wok, na glasim ol bek bihain long 90 de. Glasim i bin painim olsem wari na hevi long wokples i bin go daun long ol lain i bin stap long Vaitamin B grup. Mak long wari na hevi level i bin go daun na ol lain i lukim gutpela stap em 20 pesen.

Vaitamin B i save stap long ol kaikai olsem ol mit, ol bin na ol holmil grein o braun rais, wit na ol narapela kaikai olsem.

I kam long Australian Womens Weekly megesin, January 2012.

• Spes long storim bilong ol pikinini

Maski ol i liklik pikinini tasol, ol i save gat planti samting na i gutpela long papamama i mas gat inap spes long storim o putim ol samting. Sampela tingting em yu ken bihainim em:

- Bildim ol bens bilong sindaun wantaim ol lid bilong putim ol betsit samting,
- Ol toi bokis ol i ken yusim olsem samting bilong sindaun long en,
- Ol bet i gat ol droa long putim ol samting long as bilong ol,
- Ol bokis long putim ol samting inap long putim aninit long bet,
- Ol self na storej unit i pas long wol na ol ino inap pulim,
- Ol gutpela bokis we yu ken putim antap long wanpela narapela o we yu ken arenjim olsem buk keis.

I kam long Hom na Gaden January 2012 megesin.



BILAS I KAM LONG SOLOMON AILAN: Ol dispela skul pikinini I lukluk long ol earing, ol bilas bilong han na ol nekles tupela man bilong Solomon Ailan I salim. **Poto: Veronica Hatutasi**



TARLIZ TREDING TEKEWE: Tupela wokmeri bilong Tarliz Tredin g long Arawa I redim ol kaikai I stap. Olgeta de, planti lain I raun long Arawa na pilim hangere, ol i save go kaikai long Tekewe ples. **Poto: Veronica Hatutasi**

**OL PRINSIPOL BILONG
GUTPELA
LIDASIP**



wantaim Evangelist
OHARE JABERE

Lida mas tok tru na mekim pasin i trupela.

PASIN bilong tok giaman na holim giaman pasin i stap strong long laip bilong planti lida manmeri tude. I gat kainkain we bilong mekim giaman pasin na mekim giaman tok.

Yu ken holim dispela kain pasin sapos yu laik. Tasol i no long taim bai ol painim aut kain pasin bilong yu, na dispela bai bagarapim gutpela nem na rispek yu i gat olsem lida.

Pasin bilong giaman em i save soim em yet long planti kain rot. Yu yet yu mas save pinis long ol sampela lida we yu yet i lukim na harim stori long laip bilong ol we ol i wokim dispela kain pasin. Na tu long laip bilong yu yet, yu i gat save long ol taim we yu yet yu wokim liklik giaman tok o giaman pasin na nogat man i save. Tasol ol pren bilong yu na lain i stap klostu long yu tasol i save long wanem samting yu wokim.

Dispela pasin yu luksave long laip bilong yu na yu mas askim Lod Jisas long brukim na rausim na klinim yu long blut bilong em.

Sapos yu larim bai dispela pasin, em inap bagarapim yu na bringim planti pen na bel hevi na bel sori i kam long yu.

Long hap we flawa i stap, bai bataflai i kam stap. Olsem tasol long hap we yu save tok mi, mi, mi, mi, na mi yet, pasin i stap (selfishness) bai tok giaman na pasin giaman tu i poromanim yu na stap.

Long tok Inglis, yumi kolim (Truth and Honesty) em i bikpela samting na planti manmeri i wok long painim dispela kain lida husat i gat "Truth na Honesty" o tok tru na stretpela pasin.

Pasin bilong tok tru na mekim pasin i stret em i mak tru bilong gutpela lidasip. Pasin bilong yu mas bihainim toktok bilong yu. Nogut yu mekim wanpela tok, tasol pasin bilong yu i no soim toktok bilong yu.

Sapos yu mekim wanpela tok na long pasin yu mekim i narapela kain pasin, em i soim kliia olsem yu no gutpela lida.

Tude i gat planti kain giaman na paul pasin i stap long olgeta laip bilong lida, long olgeta kain level bilong lidasip pasin bilong wok hait na paulim samting em wanpela samting i save kilim indai rispek ol na hop ol manmeri i gat long ol lida manmeri.

Em i olsem sik kensa i save kilim indai rispek ol manmeri i gat long ol lida na daunim gutpela laip sindaun na ol wok kamap insait long ples, komyuniti, taun na kantri bilong yumi.

Pasin giaman na paulim samting em i wanpela bikpela sik we i stap long planti hap insait long busples i go inap long biktaun na bikpela siti.

Plis lida manmeri, yu mas harim gut dispela tok. Satan em man bilong giaman, sapos yu save giaman orait! Yu wokboi bilong Satan yet.

Rausim Judisal Kondak Ekt na noken surukim ileksen

OL SIOS long kantri i joinim pablik long agensim Judisal Kondak Ekt na surukim 2012 nesanel ileksen long 6-pela mun.

Presiden bilong PNG Kaunsel bilong ol Sios (PNGCC), Pater Danny Guka, na Asbisop John Ribat em namba tu bilong em, i autim sanap bilong ol sios insait long wanpela stetmen.

Long namba wan taim bihain long kisim indipendens, PNG i wok long bungim "Constitutional Cri-

sis" o hevi long Mama Loa.

Dispela i bin stat long las mun taim Palamen i kamapim "Judisal Kondak Ekt" o loa we bai glasim ol jas na sapos ol i no bihainim o ol i brukim, ol bai kisim mekimsave.

Na moa long dispela, gavman i tok long surukim taim bilong nesanel ileksen inap long 6-pela mun na dispela bai mekim kantri bai holim ileksen long neks yia yet. Na i no long dispela yia Jun.

Tasol bihainim pablik

protes o mas long las wik we i bin lukim moa long 10,000 pipel i mas long soim no laik na bel hevi long tupela samting ya, Prais Minista, Peter O'Neill, i bin rausim 6-pela mun na surukim tasol taim bilong givim aut ol rit pepa long tripela moa wik. Na 2012 ileksen bai kamap long wankain taim yet long dispela yia, mun Jun.

"Mipela i laikim nau gavman long rausim Judiseri Kondak Ekt we Palamen i bin tok oraitim long Mas 28,

2012. Em i no gutpela long ol pipel bilong PNG.

"Mipela i laikim bai nesanel ileksen i kamap long taim yet aninit long mama loa na tu, taim we llektorel Komisin i plenim long em pastaim.

"Surukim ileksen long 6-pela mun em i bilong amamasim sampela Palamen memba na ol minister. i nogat as long skruim taim bilong holim nesanel ileksen," Pater Danny na Asbisop Ribat i makim PNGCC, i tok.

Simbu Lutheran Sios mama grup bung wantaim

Pasto Max Gendi i raitim

OLGETA 18-pela seket mama grup i stap insait long Evanjelikal Lutheran Sios (ELC-PNG) long Simbu Distrik i bung wantaim nau na kamap olsem wanpela asosiesen insait long Simbu provins.

Aninit long lidasip bilong Agnes Gabby olsem distrik wimens kodineta, ol mama i bin skelim na luksave olsem bai gat gutpela wok poroman wantaim ol arapela ogenaiesen, NGO, gavman na ol dona, sapos ol i rejista na operet olsem wanpela

asosiesen insait long sios. Wantaim wanbel bilong olgeta Mama Grup na distrik lidasip, ol i kamapim "Simbu Lutheran Wimens Asosiesen."

Gavana bilong Simbu, Pater John Garia i lonsim dispela asosiesen long las wik Sarere long Ega sios graun long Kundiawa. Moa long 1,000 manmeri i kamap na witesim dispela spesol lonsim. Namel long ol, ol spesol ges olsem olgeta wimens kodineta bilong arapela sios distrik long hailans tu i bin stap. Olsem ELC Kainantu, ELC Goroka, ELC Is Simbu na ELC Jiwaka na planti kristen manmeri long Simbu.



Gavana Bilong Simbu, Hon. Fr. John Garia Lonsim "Simbu Lutheran Wimens Asosiesen"



OL ARB GEREHU PERISINA PRE:

ISTA wik i go pundaun long Ista Sande i bin taim bilong ol sios sevis long ol wanwan lotu long PNG.

Sen Charles Lwanga long Gerehu, Nesanel Kapitel Distrik, i wanpela peris we i bin gat ol lotu progrem olsem dispela we ol perisina grup bilong Otonomes Rijen bilong Bogenvil i putim blekpela klos na lotu long tingim pen na dai bilong Jisas long Gut Fraide. **Poto: Nicky Bernard**



KOMYUNIO TAIM:

BIHAIN klostu long wanpela yia, wok i stat nau long sanapim nupela haus lotu bilding long Charles Lwanga peris. Taim ol bin brukim olpela haus lotu bilding, lotu i save kamap long sios komyuniti hol, tasol long selebretim ol bikpela de na i gat wanpela misa lotu tasol, peris i save holim lotu ausait olsem long piksa we kongrikeksen i sanap long lain long kisim Santu Komyunio. **Poto: Nicky Bernard**



REDIM KAIKAI:

Kruset o ol sios bung i save pulim planti manmeri na ol yut i kam wantaim long holim ol woksop na konprens. Ol meri i save wok hat long redim ol kaikai na hia, yumi lukim tupela mama bilong Evanjelikal Lutheran Sios i redim kaikai we planti bai kisim long taim bilong wanpela kruset long Morobe provins. **Poto: Paulus Tali**



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

100 yia i go pinis long Sande, wol i tingim Titanic disasta

OL kainkain bung i bin kamap long wol bilong makim stret 100 yia stat long taim Titanic, i bin bamim ais na i go daun long solwara we 1,500 pipel i dai.

Luksaver long dispela i kamap long planti kantri, wantaim ol kainkain sevis bilong tingim dispela taim nogut insait long Britain, Canada, Ireland na Amerika.

Wanpela sore bung stret i bin kamap long Southampton, em sip bris Titanic i bin lusim na asples taun bilong samting olsem 500 pipel i dai.

Insait long Belfast, siti we ol i wokim dispela sip i opim wanpela gaden long nem bilong sip na ol dispela i bin indai long en.

Planti lain bilong Briten i ken painim famili memba bilong ol husat i bin stap antap long dispela sip o bungim birua long dispela taim nogut.

Tasol long Halifax siti bilong Canada, ol i salim ol sip bilong ol i go kisim bodi bilong 150 aut long 1,514 ol narapela i stap yet long matmat long hap.

Ol gavman soldia bilong Syria i go het long pait

OL gavman soldia bilong Syria i bin go het long pait i go insait long tupela eria bilong Homs siti long Sarere, maski i bin gat agrimen o tok wanbel long stopim pait.

I no bin gat toktok i kamaut long pipel i kisim

bagarap, o dai long pait ol i bin mekim long Sarere moning i go long Jurat al-Shayah na Al-Qarabi eria bilong Homs siti. Dispela toktok i bin kam long lain surian Obsevatri bilong Humen Raits.

Baba Amr distrik long Homs i bin stap pas long ol protes agensim Presiden Bashar al-Assad gavman. Protes i bin stat long mun Mas long yia i go pinis, bihain long ol soldia i bin sut long ol bikpela gan na ol narapela samting bilong pait long wan mun.

Yunaitet Nesens Sekyuriti Kaunsel bai vot long wanpela draf resolusen o tok wanbel, long larim ol pipel i go insait long Syria long lukim wanem samting i wok long kamap.

Amerika i bin askim long ol i vot long en bihain long namba tu de bilong ol toktok wantaim Rasia long sekyuriti bilong namba wan lain bilong tripela ten pipel i go insait long Syria long lukim wanem ol samting i wok long kamap long kantri.

PNG i bungim bikpela hevi long mama loa bilong en: O'Neill

PAPUA Niuginig Praim Minista i tok kantri i bungim wanpela bikpela hevi long mama loa bilong en taim ol narakain tingting i wok long go het namel long gavman na judisari.

Long wanpela toktok Praim Minista Peter O'Neill i salim long ol niuspepa, em i tok dispela hevi i putim kantri i stap pas namel long gavman na judisari.

Toktok bilong em i kamap bihain long tingting bilong Suprim Kot dispela wik long stopim wok traim bilong gavman long saspensim ol sinia

jas em ol i ting ol i wansait long tingting bilong ol.

Kot i bin stopim saspensim na stopim wok bilong dispela Judisal Kondak Loa long saspensim ol jas inap long taim kot i harim wanpela salens sapos dispela loa i stret aninit long mama loa.

Mista O'Neill i tok lukaut palamen bai yusim samting em i kolim ol 'ovasait' pawa bilong stretim dispela hevi, tasol em i no tok klia we ol bai mekim dispela, o wanem taim bai ol i mekim.

Dem Carol i tok welkam long wok painim

Na long dispela taim tu, ol i sutim tok long PNG oposisen lida long mekim rong ol i kolim – palamentri kontem.

Spika bilong Palamen i tok Dem Carol Kidu i bin givim ol draf pepa i toktok long Judisal Kondak loa long ol niusman.

Dem Carol i tok nogat wanpela man bai stopim em long go agensim dispela loa.

Em i amamas tasol long tingting bilong Spika Jeffrey Nape long investigetim em long wokim bikhet pasin agensim Palamen.

Dem Carol i tok: "Yes, em i gutpela bikos em i no rong olgeta tasol, samting em i kamap, em i asua olgeta," em i tok.

"Mi minim olsem ekt em i no stret, na nau, we ol i pilai wantaim, we ol i no bihainim stret rot bilong oraitim, em i krangi olgeta."

Bihain long Suprim Kot i bin stopim dispela loa long Fonde las wik, ol loya i wok long pait agensim dispela loan au i gat bilip Suprim Kot bai rausim loa long mun bihain.

Tingting bilong Suprim Kot

long Fonde, i min Sif Jastis, Sir Salamo Injia, na narapela jas ol i bin saspensim, Nicholas Kirriwom, i ken go bek long wok.

Rimbink Pato, wanpela loya i wok makim Morobe Provinsal Gavman, em i bin bringim kot kes agensim dispela loa, i bilip ol i ken stretim dispela hevi taim ful Suprim Kot i sindaun long mun Me.

Mista Pato i tok: "Mipela laikim bai kot i glasim dispela kwik, na insait long neks miting bilong ful kot bilong Suprim Kot long mun antap, sapos em i nap," em i tok.

Bob Brown i risain olsem Australian Greens pati lida

AUSTRALIA Greens Pati lida, Bob Brown, i pinis olgeta olsem memba bilong palamen.

Man hia krismas bilong em 67, i bin tokaut long ol pati memba bilong em long Fraide.

Namba tu bilong em, Christine Milne, i kisim ples bilong em olsem lida bilong pati.

Em i tok em i belpas tasol i amamas long go. Em i tok i gutpela long save olsem Greens i gat nau gutpela save man na meri na meri nau i stap redi long kisim wok bilong lida, em samting em i no driman long en samting olsem tenpela yia i go pinis.

Em i tok, dispela i rait taim bilong em long givim wok bilong lida bilong pati i go long narapela.

Em i tokaut long bikpela tenkyu i go long moa long wan milian pipel husat i bin votim Green tim, em nau i gat nainpela memba bilong en i stap long Australia Nesanel Palamen.

Nadi Taun Kaunsel i askim Fiji gavman long halivim

OL lokol bisni long Nadi siti bilong Fiji i askim interim gavman long halivim ol i stretim ol bikpela bagarap ol haiwara i bin kamapim.

Spesol administreta bilong Nadi Taun Kaunsel, Aisea Tuidraki, i tok pipel long dispela siti i tok, ol haiwara nau tasol i kamap, i kamapim bikpela bagarap moa winim ol narapela bipo, na ol bagarap em i kamapim i kostim samting olsem 112 milian US dola.

Mista Tuidraki i tok planti long ol haus bai ol i mas wokim gut gen.

PNG Suprim Kot i stopim Judisal Kondak loa

PAPUA Niuginig Suprim Kot i stopim pinis gavman long noken yusim dispela nupela Judisal Kondak Loa em i mekim planti pipel long kantri i kros.

Dispela loa i givim gavman pawa long saspensim ol sinia jas em ol i ting i mekim rong ol i wansait long disisen bilong ol.

Wanpela Suprim kot em tripela jas i sindaun long en, i givim pinis wanpela oda bilong stopim gavman i yusim dispela loan a ol narapela samting ol i laik mekim long en.

Loya i sanap makim Morobe Provinsal Gavman, em i bin bringim wanpela kot kes agensim dispela loa, Rimbink Pato, i tok tingting bilong kot long stopim gavman i yusim dispela loa i min ol i ken bringim bek Sif Jastis na tupela narapela jas em ol i bin saspensim ol i go bek long wok.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Olgeta pipel gat rait long vot

Taim bilong vot long Jun nesanel ileksen em Gavman i surukim go long mun Julai na long mun Ogas em taim bilong yumi lukim nupela Gavman i kamap na kisim ples long haus palamen.

Dispela disisen bilong surukim nesanel ileksen i go moa long narapela mun i kamap bihain long palamen i bin vot long surukim nesanel ileksen go moa long 6-pela mun bihain. Tasol long kabinet kibung long Mande dispela wik, ol Gavman minista i kamapim dispela disisen long holim ileksen wanpela mun bihain.

Nesanel ileksen bilong kantri i save kamap bihain long 5-pela krismas na dispela i bihainim Mama Lo bilong Papua Niugini. Olsem na long surukim taim na de bilong ileksen em Gavman wantaim ol wokman bilong Ikketorel Komisin na ol saveman bilong Lo mas lukluk gut insait long Mama Lo na mekim samting stret bi-



hainim.

Bikpela as Gavman i laik surukim ileksen em bikos ol i ting planti wok redi i no kamap gut na planti tausent manmeri bilong Papua Niugini i nogat nem yet long komon rol buk bilong vot. Planti memba bilong palamen i komplem olsem planti pipol long distrik bilong ol i nogat nem long komon rol buk. Olsem na ol laikim taim bilong ileksen mas surik go moa long givim taim long ol wokman bilong Ikketorel Komisin long kisim nem bilong ol go daun long buk.

Dispela em bikpela wari bilong planti memba bilong palamen long nau na tu ol kendidet husat bai resis long 2012 nesanel ileksen.

Taim bilong nesanel ileksen i save kamap tu bi-

hainim stret namba bilong ol de we palamen i mas sindaun long bung stat long taim wanpela jenerel ileksen i pinis. Bihain long wanpela jenerel ileksen long olgeta 5-pela yia, palamen i mas bung 63 de. Bihain long 63 dei i pinis, em nau palamen bai pinis na olgeta memba go long nesanel ileksen we em i olsem 5-pela krismas stret. Na Mama Lo i luksave na strongim dispela olsem wanpela bikpela Lo bilong kantri long palamen na ol pipel bilong Papua Niugini long bihainim.

Olsem yumi ol manmeri we yumi save bihainim dispela samting, ol saveman bilong Lo i stap long givim stia na tingting long Gavman long wanem samting ol mas mekim. Ating ol edvais o stia tingting bilong ol saveman bilong Lo i tokim Gavman bilong Peter O'Neil na Belden Namah long surukim taim bilong ileksen go moa long wanpela mun bihain. Em olsem long mun Ogas bai

yumi lukim nupela Gavman i kamap na ino long mun Julai olsem bipo.

Ating em i gutpela long givim liklik taim moa long olgeta pipel insait long kantri i ken putim gut nem bilong ol long komon rol buk bai ol ken vot long nesanel ileksen. Vot em rait bilong yumi olgeta na sapos yumi nogat nem, em nogut olgeta bikos yu no inap makim lida bilong yu.

Olsem na long makim lida bilong yu long kantri long 5-pela krismas, yu mas vot.

Ating sapos i gat liklik spes insait long Mama Lo we i luksave long ol pipel i gat rait long vot na ol mas gat nem long vot, ating em mas mekim olsem long givim liklik taim moa long ol pipel i stretim gut nem bijong ol long komon rol buk.

Bikos long votim lida em rait bilong yumi olgeta aninit long Mama Lo bilong kantri bilong yumi.

WANTOK KOMENTRI

Kros bilong polis autim ples kia belkros

WANEM taim bai ol lida bilong yumi i luksave olsem pipel bilong kantri i les pinis long ol.

Askim husat manmeri yu bungim long rot o maket, na ol bai tokim yu olsem ol inap pinis long pulim taitim bilong ol memba bilong palamen.

Birua i kamap namel long ol mobail polisman bilong Hagen, na ol polisman bilong Mosbi, em i no kamap long han bilong ol yet. Nogat.

Olgeta samting i kamap long mun Ogas 2 long 2011, na i kam taim gavman i senis, na ol lida i wok long pait long pawa, em i go daun pinis long ol disiplin fos bilong yumi.

Yumi lukim pinis polis fos, na difens fos wantaim i kros pait namel long ol yet.

Insait long dispela laspela mun pastaim long kantri i go long kirap bilong 2012 ileksen long Me 18, em bai bikpela taim nogut bilong mama loa bilong yumi.

Maski yumi wok harim Praim Minista O'Neill i tok olsem em i laikim ileksen bai go het tasol, yumi wok lukim long arere, ol memba i wok long hait na kirapim trabel nabaut, bai i gat as long ol i surukim ileksen i go moa.

Bikpela ples kia traim bilong konstitusen i kamaut pinis long opis bilong spika bilong nesanel palamen. Ol i wok traim strong bilong konstitusen.

Tasol long wanem as tru, na ol i mekim olsem?

Liklik manmeri i sindaun salim kaikai long wanem kain maket long ol kain kain kona long kantri, i no nidim diploma o bikpela save mak long luksave olsem ol lida long gavman nau i wok long traim holim wok i go longpela taim moa yet.

Long narapela kantri, bai dispela pasin i bruk long bikpela pait pinis.

Nau, yumi lukim kain kain hevi i wok kamap. Ol i traim long kirapim trabel yet, bai i gat as long surukim ileksen.

Yumi pipel i noken sindaun nating tasol.

Belkrai bilong ol manmeri i wok long kamaut strong long midia. I no long taim bai belkol bilong ol i tanim go kamap paia, na ol memba i mas lukaut.

Rait bilong yumi wanwan long vot, i no bilong narapela long pipilai long en.

Em i samting we i stap tru long as bilong pasin demokrasi, na fridom bilong yumi olsem pipel.

Opim maus, na autim tok.

Ileksen i mas kamap. Yum olgeta i laikim.

Ol lida bilong yumi tasol i no laik.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Skul Holide kamapim kainkain pilai bilong ol mangi



Nicky Bernard i raitim

DISPELA wangepa wik holide bilong ol skul pikinini i bringim ol na kainkain pilai ol kamapim long amamasim ol long dispela holide bilong ol.

Maski ol skul long nara-pela skul tasol taim bilong holide na ol stap klostu o rot i wangepa pilai save pulim ol long amamas wantain.

Planti long ol save go bung long Taka bokis stoa long pilai masin gem, ol dispela taka bokis stoa gat masin gem save kisim gut

liklik mani long taim bilong holide bilong skul.

Sampela stap long nambis sait save go bung long nambis long amamasim ol yet long waswas na pilai long wesan.

Holide bilong skul trutru save mekim ol mangi save kamapim kainkain pilai long amamasim ol long taim bilong holide bilong ol.

Ela Beach long Mosbi pulap long ol pikinini, na dispela nupela samtung bilong wel na go insait long solwara i wok long pulap tasol long dispela holide bilong skul.

Advertisement for YUMIFM National Weekly Hit Parade. Includes the YUMIFM logo, the title 'National Weekly Hit Parade', and a table listing songs, artists, and charting weeks.

EMTV Television Guide

FONDE 19 EPRIL, 2012

5.00 AM G JOYCE MEYER. TODAY
5.30 AM G TODAY
8.30 AM BROADCAST
12.00 AM EMTV
12.30 PM MIDDAY NEWS AUSTRALIAN NETWORK

9.30 PM G ELITE MUSIC ZONE NATIONAL EMTV NEWS REPLAY
10.30 PM G NEWS REPLAY

FRAIDE 20 EPRIL, 2012

5.00 AM G JOYCE MEYER. TODAY
5.30 AM G TODAY
9.00 PM CLASSROOM BROADCASTS
12.00 PM EMTV
1.00 PM AUSTRALIAN NETWORK

11.30 PM - Australia Network - SARERE 21 EPRIL, 2012

6.59 AM STATION OPEN
7.00 PM ULTIMATE GUINNESS WORLD RECORDS
8.00 AM G NAMASTE YOGA: Innovative series combining stunning photography and original music

THE SEEKER: A CAPTIVATING ACTION-ADVENTURE TV SERIES - In a mystical land, Richard Cypher discovers his true destiny as he, a mysterious young woman, a wise old wizard and a magical sword take on the evil DarkhanRahl.

DESPERATE HOUSE WIVES: SOCCER REPLAY
11:30 PM NATIONAL EMTVNEWS REPLAY
12:00 PM - Australia Network - SANDE 22 EPRIL, 2012

7.00 AM G HILLSONG Join Pastor Brian Houston every Sunday morning as he teaches to changes mindsets and empower people to lead and impact every sphere of life.
7:30 AM G CHIT CHAT with Sir Paulias Matane Tune in every Sunday Morning and be inspired by Sir Paulias as he delivers inspirational stories, including guest interviews.

TORO



BIABIA



KANAGE



TOKWIN

Elektrol Rol kamap hevi bilong ol memba LONG Trinde dispela wik, Elektrol Komisina na Ligel Advaisa bilong em go givim tok klia long ol memba long palaman olsem olgeta samt- ing bilong Ilekse i orait na bai kamap long taim stret. Tasol dispela i no go gut long iau bilong sampela memba, na ol askim komisina long koman rol, dispela askim 10-pela man i askim, na komisina i bekim wankain bekim tasol i go long ol. Planti memba nau i wari long namba bilong dispela

Ilekse long mun antap, namba tasol bai ken bring ol kam bek long palaman. Tingim tasol olsem palamen haus i no bilong ol tasol, em bilong olgeta manmeri taim ol win long ilekse, planti memba nau laikim tru ol mask am bek gen. **Mani brukim pasin barata** PASIN Barata save stap long yumi olgeta, maski yu bilong wanem ap long Papua Niugini na kam wok long narapela hap, dispela pasin bilong yumi long laikim narapela save stap. Ol wan wok manmeri tu, ol save kisim ol olsem brata susa, dispela kain pasin bilong

yumi save kamap long olgeta hap long kantri bilong yumi. Long dispela wik ol polis brata yet i pait go kam long ol yet long Pot Mosbi, dispela mekim na planti ol polis manmeri long Pot Mosbi i no wanbel long sampela memba bilong palamen. Polis bilong brata bilong ol long Hagen kam stap longpela taim long Mosbi na ol ino save dispela ol brata bilong save ripot long husat bos man bilong polis o memba bilong palamen. Mani tasol bai tokaut sapos em gat maus long toktok, dispela nau bai yumi save olsem pasin barata bai stap strong o bail us long han bilong mani. Tokwin tasol

Word search grid with letters arranged in a 10x10 pattern.

Table with 4 columns: BLABOT, KLEYA, TEBO, FLAK, ENG, TOMISSIN, S.W.A.T.N, BUC, PEN, HAUS SLD, PLAKAS, ENSPEN, HAREN TOK, ASKIM, KALEHDA, PDISOL, TOK DUGITS, FAUNTENPEN, LAJEM, PISA, KLAS, KAWIIM, KLINEM BUKBOT, WTIEM SKUL, PAS, S.W. BOTS.

4x4 grid with numbers: 7, 2, 6; 2, 9, 6, 8, 5; 6, 8, 4; 2, 8, 5, 9; 8, 1, 7; 5, 7, 9, 4; 9, 8, 3; 5, 3, 9, 1, 8; 4, 5, 9.

6x6 grid with numbers: 6, 5, 4, 8, 1, 9, 7, 3, 2; 1, 9, 3, 6, 2, 7, 8, 5, 4; 8, 7, 2, 5, 4, 3, 6, 9, 1; 2, 1, 6, 3, 9, 4, 5, 8, 7; 5, 4, 8, 2, 7, 6, 9, 1, 3; 7, 3, 9, 1, 8, 5, 4, 2, 6; 4, 2, 5, 7, 3, 8, 1, 6, 9; 9, 6, 1, 4, 5, 2, 3, 7, 8; 3, 8, 7, 9, 6, 1, 2, 4, 5.

Ansa bilong las wik Sudoku

Word search grid with letters arranged in a 10x10 pattern.

Ansa bilong las wik Pasol

EMTV Television Guide

Television schedule table with columns for time slots (5:00 PM, 6:00 PM, 6:30 PM, 9:00 PM, 9:30 PM, 11:00 PM, 11:30 PM, 11:35 PM, 00:35 AM, 3:00 PM, 4:00 PM, 4:30 PM, 5:00 PM, 5:30 PM, 6:00 PM, 7:00 PM, 8:00 PM, 9:00 AM, 9:30 AM, 10:00 AM, 10:00 PM, 11:00 PM, 11:30 AM, 5:00 AM, 5:30 AM, 9:00 AM, 12:00 PM, 3:00 PM, 3:30 PM, 4:00 PM, 4:30 PM, 5:00 PM, 5:30 PM, 6:00 PM, 7:00 PM, 7:30 PM, 8:00 PM, 8:30 PM, 9:00 PM, 9:30 PM, 10:00 PM, 11:00 PM, 11:30 PM, 12:00 AM, 12:30 AM) and program titles (PACIFIC WAY NATIONAL EMTV NEWS ONE DAY CRICKET - LOVE PATROL MOVIE: CHIT CHAT(Repeat) HILLSONG(Repeat) NATIONAL EMTV NEWS REPLAY - Australia Network - JOYCE MEYER. TODAY 2012 - CLASSROOM BROADCAST -Begins for the Year 2012 EMTV MIDDAY NEWS AUSTRALIAN NETWORK KIDS KONA HI-5 PYRAMID THE SHAK KITCHEN WHIZ HOT SOURCE MILLIONAIRE HOT SEAT. NATIONAL EMTV NEWS RESCUE SPECIAL OPS TOK PIKSA Looking back at News and stories making headlines in the country SPORTS SCENE - Starts for the Year 2012. DAYS THAT SHOOK THE WORLD: NATIONAL EMTV NEWS REPLAY - Australia Network- JOYCE MEYER. TODAY CLASSROOM BROADCASTS EMTV MIDDAY NEWS AUSTRALIA NETWORK ONE DAY - JOYCE MEYER. TODAY CLASSROOM BROADCASTS AUSTRALIA NETWORK ONE DAY - EMTV TOKSAVE CRIME STOPPERS DAYS THAT SHOOK THE WORLD.. TBA NATIONAL EMTV NEWS REPLAY -Australia Network- NATIONAL EMTV NEWS ONE DAY CRICKET - THE WORLD AROUND US NATIONAL EMTV NEWS REPLAY - Australia Network - NATIONAL EMTV NEWS REPLAY - Australia Network -)

Program bai senis long taim bilong en..

Raun wantaim Kanage olgeta wik



No laikim namba tu pikinini.

Dia Laipain,

Mi gat 20 krismas na mi gat wanpela pikinini em mama bilong mi i lukautim i stap.

Long las yia, papa bilong mi i bin lusim mama na mipela famili, na i kisim nupela na yangpela meri. Olsem na wanpela rot long mama i kisim mani na lukautim ol susa na brata bilong mi em long mani mi kisim taim mi wok. Tasol mama i save krosim mi olgeta taim.

Nau mi no lukim sik mun bilong mi na mi pret nogut mi gat bel gen. Boipren bilong mi i yangpela moa long mi na em i no amamas long dispela. Na em i tingting long lusim skul na go long ples. Em i no laik lukim mi gen tasol mi tu mi no laikim em.

Laip bai i hat long mi na sapos mi no rausim dispela bebi mi karim long bel, bai mi kilim mi yet.

SINGLE MOTHER IN DILEMMA.

Dia pren,

Mipela i save kisim planti pas wankain olsem bilong yu long planti ol yangpela meri. Na mipela i luksave long pret pasin na wari yu gat long en. Pren, yu tok yu laik kilim yu yet, tasol yu tingim tu ol wari na hevi bai yu kamapim sapos yu go het na mekim samting yu tingting long mekim?

Bai em i helpim husat sapos yu kilim yu yet bikos yu pret na wari bikos yu gat bel gen?

Sapos yu dai, liklik pikinini bilong yu bai i nogat papa na mama. Na ol narapela lain bai i nogat mani long lukautim em na givim em kaikai. Mipela i bilip olsem laip bai i gat moa mining sapos yu kisim helpim long wari yu gat nau long em. Na yu lainim sampela lesen long em na bi yu traim long abrusim mekim wankain hevi long ol taim i kam.

Mipela i sori olsem laip bilong yu i no gutpela tumas wantaim ol wari na hevi. Papa bilong yu i no givim gutpela piksa na nau, mama bilong yu i kisim mani tasol em i no tok tenkyu long yu tasol em



i krosim yu.

Yu tu i bin mas hariap long tok yesa long manki husat i mekim yu amamas long liklik taim tasol. Tasol mipela i bilip olsem yu yet i mas nau fesim o luksave olsem yet i no bin strong inap long kamapim dispela hevi yu stap nau long en. Mipela i strongim yu long luksave olsem yu yet i bin rong. Taim yu luksave long rong bilong yu bai yu ken inap long stretim ol hevi we bai yu bungim long bihain taim.

Pren, wanem ol samting yu ken mekim? Namba wan, painimaut olsem yu trutru i gat bel bikos sampela taim, wari i ken mekim na yu no kisim sikmun o sapos nogat, bai yu lukim leit. Tasol sapos yu go long toilet long pispis planti taim o yu save trauf long moning, dispela em ol trupela sainmak olsem yu gat bel. Sapos yu strong na tingting bilong yu i stap stret, i nogat as long kilim dai bebi. Long buk Baibel, God i tambuim pasin bilong kilim dai o rausim bebi, na lo bioong PNG i sapotim tu dispela. Mipela i enkarijijim yu long toktok gut wantaim mama bilong yu na yupela i ken kamap gutpela poroman long wanem, em i wanpela long ol husat bai stap olgeta taim na helpim yu sapos yu bungim hevi.

Pren, tru karim gen narapela pikinini i ken mekim yu i no amamas na kamapim planti wari, tasol mipela i askim yu long noken tingim yu yet na ol wari yu gat long em na tingim tu ol narapela. Mama bilong yu i hat hat long yu tasol tingim ol hevi em i karim long en. Man bilong em na papa bilong yu i bin lusim em long maritim wanpela yangpela meri. Na taim yu gat bel namba tu taim gen, dispela bai putim moa hevi i go antap long em

(mama bilong yu). Mipela i bilip olsem ol dispela samting i mekim em na em i hat hat long yu.

Sapos yu ken wanbel long disisen o tingting bilong manki i no laik lukim yu gen na sapos yu ken stronmgim em long skruim skul bilong em. Na i no ken lusim skul na go long ples.

Sapos boipren bilong yu em i papa long nambawan na namba tu pikinini, em inap long helpim lukautim ol sapoa em i pinisim skul na kisim wok. Mipela i bilip olsem yu na boipren bilong yu i kisim skul long dispela na tu, long ol narapela husat i tingting long wankain laipstail olsem.

Tasol long yu, mipela i askim yu long traim tok tenkyu long mama bilong yu long lukautim pikinini bilong yu na em i ken tok tenkyu long yu long helpim bilong yu na traim long kamapim bel gut namel long yu tupela.

Mipela i enkarijijim yu long askim helpim bilong Bikman husat i as long strong bilong yumi long gutpela na nogut taim. Yumi olgeta i save wokim asua tasol mipela i askim yu long singaut long Bikman long pogivim o lusim ol rong bilong yu. Ritim 1 John 1:19.

Bel gut na amamas we Bikman i save givim bai stap oltaim na i no olsem dispela we mani givim long dispela graun. Na olsem, toktok long em tu. Ritim Romans Sapta 7:14-23.

Pren bilong yu

Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

NEM: Ludwick Monduk

KRISMAS: 25 (man)

ADRES: C/- Clerance Kombukun, PO Box 302, Kimbe, West New Britain Provins

SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio

KRISMAS: 22 (meri)

ADRES: Lae Ever Green, PO Box 167, Lae Morobe Provins

SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

NEM: Womie Ben- Efore

KRISMAS: 26 (man)

ADRES: C/- Christ For The Nations, PO Box 1332, Lae, Morobe Provins PNG

SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.

NEM: Aweqwii de Paps

KRISMAS: 24

ADRES: K- Toro Hire Cars, PO Box 111, Vanimo, Sandaun Provins

SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo

KRISMAS: 34 (meri)

ADRES: PO Box 35, Agona Nyakrom, Ghana - Phn: 0023354787139

SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori

KRISMAS: 18 (meri)

ADRES: Marinumbo Primary School, PO Box 352, Wewak, East Sepik Provins

SAVE LAIKIM: Harimm, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai

KRISMAS: 15 (meri)

ADRES: Yaraka Memorial School, PO Box 532, Kavieng, New Ireland Provins

SAVE LAIKIM: Go Lotu, lukluk CD na pilai spots.

NEM: Nasain Calvin

KRISMAS: 14 (meri)

ADRES: Yaraka Memorial School, PO Box 532, Kavieng, New Ireland Provins

SAVE LAIKIM: Pilai Spots, Go Lotu, Lukim CD na rit planti

NEM: Karl Pewa

KRISMAS: 30 (man)

ADRES: Semoroks Gospel Club, PO Box 3368, Lae, Morobe Provins.

SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat igat strongpela tingting long pilaim musik bilong God.

NEM: Darren Calvin

KRISMAS: 15 (man)

ADRES: Yaraka Memorial School, PO Box 532, Kavieng, New Ireland Provins

SAVE LAIKIM: Lukim CD, Pilai Spots na Ridim buk

CPL planim kumu long wara

Aja Alex Potabe i raitim

KAIKAI i save groa long graun. Tasol nau long PNG, kampani City Pharmacy Ltd (CPL) i groim kumu long wara.

Dispela em i nupela samting long kantri, bikos yumi no save planim kaikai long wara. Sampela ol kaikai long PNG we yumi save planim long wara em i wara karis kumu, kango na wanpela kain taro.

Tasol ol dispela kaikai i save nidim liklik graun tu long groa. Ol i no save groa nating long wara tasol.

Ol i save kisim kaikai bilong ol long wara na graun wantaim.

Tasol nau long namba wan taim insait long kantri, CPL Grup, i wok long kamapim wanpela nupela we bilong planim kaikai long wara.

Dispela sistem em i ol i kolim Haidroponiks (Hydroponics) long Tok Inglis.

Haidroponiks em i sistem bilong planim kaikai long wara.

Olgeta samting kaikai i save nidim long groa na kamap bikpela i save stap long wara.

Kaikai bai nonap nidim wanpela samting long graun.

Olgeta gupela samting ol kaikai i save nidim long groa olsem wara, ol fetilaisa, na nutrient o gris, i stap pinis long wara.

Olsem na ol bai kisim olgeta samting long wara tasol na groa. Ol kaikai bai groa na kamap bikpela wankain olsem ol kaikai i groa long graun o gaden stret.

Wantok Niuspepa, i bin go long CPL Het Opis long Gerehu Stet 6, na painimaut long olsem wanem dispela kampani i wok long planim kaikai long wara.

Redim Sid

Namba wan samting ol i save mekim long planim kaikai long wara em ol i save baim sid bilong kaikai.

Ol i ken planim kain sid olsem letus, kabis, na onion. Tasol CPL, i nau stat wantaim letus. Ol i planim kain kain sid bilong letus olsem Jade, Cos Lobjoits, Rubex, Marble na Red Coral.

Man husat i go pas long dispela haidroponiks projek, Morea Gau, i tok ol i save putim wan-wan sid tasol insait long wanpela liklik kontena ol i kolim Propagesen Kiub (Propagation Cube).

Ol i save givim wara na sampela fetilaisa long dispela ol sid na putim insait long wanpela rum ol i kolim Jeminesen Rum (Germination Room) inapim 3 o 4-pela wik olgeta.

Dispela rum i no save lukim san tasol i gat spesol lait i stap. Dispela lait i save givim pawa na strong long

kirapim groa bilong ol letus sid i stap insait long propagesen kiub.

“Long larim ol sid i groa gut, dispela rum i gat spesol temperetsa mak long 20 na 25 digri selsius. Dispela temperetsa em i gupela temperetsa tru long larim ol kaikai i groa gut,” Gau i tok.

Insait long dispela rum, sid i save groa isi isi na bihain long 2-pela wik, lip i save kamaut ples klia. Taim 3 o 4-pela lip i groa pinis, ol i save karim olgeta kiub i go na putim ausait long larim ol dispela sid i groa i go bikpela.

CPL i save baim ol dispela propagesen kiub, bilong groim sid, long Australia.

Bihain long 4-pela wik, ol i save rausim ol kiub we sid i groa long en, na putim ausait long liklik haus ol i kolim Hadening Bens (Hardening Bench).

“Dispela bai redim ol sid long groa gut tru ausait long haus, we ol bai pilim tru tru san, hot na wet, na kol bilong ausait,” Gau i tok.

Planim

Em i wanpela stailpela samting tru CPL i mekim long planim ol dispela sid long wara. I gat moa long 24-pela bens o tebol i stap. Dispela bens em i olsem gaden long planim letus.

Dispela olgeta tebol i no tebol nating. Ol wara paip i joinim ol dispela tebol. Dispela tebol i gat wan-wan liklik hul long fitim ol propagesen tiub i go insait log wara paip.

Propagesen tiub i gat liklik hul i stap. Wankain olsem as bilong letus inap long go daun long graun na painim kaikai, dispela hul i save larim as bilong letus i go daun long wara na kisim ol fetilaisa na gris.

Dispela wara save muv insait long paip yet. Em i no save stap nating tasol. Em i save karim ol fetilaisa na ol arapela kemikel o nutrien, letus bai nidim long groa i go bikpela.

Fetilaisa

Olgeta samting ol letus bai nidim long groa i stap pinis long wara. Dispela wara em i no wara nating tasol, ol i miksim wantaim marasin.

Olgeta fetilaisa na samting i stap insait long dispela wara. Dispela wara i kam long wanpela rum ol i kolim tenk rum (tank room).

Tenk rum i save kontrolim olgeta level bilong kemikel ol i kolim pH level.

“pH level inap long larim letus i groa gut tru em i 6-6.5pH. Tasol 6.3pH em i mak bilong en stret. Mipela save makim, skelim na stretim dispela olgeta long kompyuta tasol,” Gau i tok.

Insait long dispela rum, i gat kainkain samting olsem kompyuta, wara pam, na fetilaisa.



LETUS SID...Morea Gau i soim letus sid i groa bihain long 2-pela wik insait long Propagesen Kiub (Propagation Cube).
Poto: Nicky Bernard



GROA LONG WARA...Letus i groa long wara, i no long graun. *Poto: Nicky Bernard.*

Ol i save skelim level bilong pH long kompyuta na kapsaitim ol fetilaisa i go insait long wara. Dispela wara i stap long wanpela bikpela tenk, na em i klin stret.

Nogat wanpela pipia i i save i go insait. Ol yet i save klinim o tritim dispela wara wantaim wanpela kemikel ol i kolim klorin (Chlorine).

Pikim na Salim

Dispela projek i bin stat long yia 2010 na opisal lonsim bilong en i bin kamap long yia 2011. Bihain long en, CPL i bin pikim sampela letus i redi pinis long kaikai.

“Bihain long 6-8 wik, letus em i redi long pikim na kaikai nau. Mipela pikim sampela pinis na salim long ol CPL (Stop-n-Shop) stua long Renbo, Town, Badili, na Sentral Waigani. Ol kastoma i wok long baim na kaikai dispela kumu mipela i planim long wara,” Gau i tok.

Sapos yu planim dispela letus long graun, em bai redi long kaikai bihain long

16-pela wik. Antap long dispela, sampela sid bai nonap groa gut bikos ol liklik binatang i ken bagarapim groa bilong ol.

Bai yu hatwok na klinim gaden na rausim ol gras na klinim gaden tu.

Tasol haidroponiks teknoloji i mekim na letus bai redi long kaikai bihain long 6 o 8-pela wik tasol.

Ol arapela bikpela kantri i save yusim dispela kain sistem long planim kaikai. Kain kantri olsem Israel, Jordan na Lebanon i save yusim dispela sistem bikos ol i nogat gupela graun long planim kaikai.

Tasol yumi gat gupela graun na wara long planim kaikai. Olsem na yumi no save bisu tumas long yusim kain ol sistem.

Orait, dispela haidroponiks projek bilong CPL i kamap wantaim save bilong Gau. Gau em i pinisim skul long Yunivesiti bilong Vudal (UNRE), na em i kamapim dispela projek long save bilong en, wantaim halivim bilong Mahesh Patel, em siaman bilong CPL Grup.

K3m bilong liklik fama i stap

Aja Alex Potabe i raitim

OL LIKLIK fama o manmeri bilong planim kaikai na lukautim ol enimal i nau gat sans long kisim mani long gavman long halivim ol strongim liklik bisnis bilong ol.

Minista bilong Komes, Tred na Industri, Charles Abel, i tokaut long palamen hap aste olsem, O'Neill-Namah gavman i redim pinis K3 milian long kirapim ol liklik koporetiv sosaiti bilong mekim ol liklik bisnis long ples.

“Tresari bai givim K3 milian long kirapim koporetiv sosaiti. Gavman i nau redi long givimaut K400, 000 i kam long dispela K3 milian.

“Dispela mani em i sid kapital. Gavman bai givim long ol liklik bisnis manmeri husat i save planim kaikai o lukautim enimol long ples.

“Bai mipela skelim dispela mani gut long 4-pela rijen na

22-pela provins insait long kantri. Na bai mipela sekim gut sapos ol fama i tru tru i gat fam o bisnis bilong ol na ol i akim mani. Sapos ol i giman na tingting long stilim mani, yu bai nonap kisim wanpela samting,” Abel i tok.


Abel i tok em bai sekim gut olsem wanem ol bai yusim dispela mani bikos bipo gavman i no bin larim ol liklik bisnis manmeri i yusim mani gut.

“Bipo Somare gavman i bin westim K15 milian nating. Ol i no bin mekim wok stret. Ol i bin yusim dispela mani wantaim long baim ol haus na propeti, i no long strongim ol liklik bisnis manmeri bilong PNG.

“Nau O'Neill-Namah gavman i les long dispela kain pasin korapsen, na mipela bai was gut na ting ting gut long yusim mani long halivim ol liklik manmeri bilong PNG,” Abel i tok.

LIKLIK BISNIS...

KOKONAS em bikpela samting tru long taim yumi laik kuk, mekim mumu o aigir. Kokonas em save mekim kaikai save kamap swit tru long kaikai.



Kokanas bilong Kairiku helpim Gerehu

Nicky Bernard i raitim

Pot Mosbi maket. Dispela tupela bek kokonas bilong em save pinis long tupela de bilong maket tasol, em save salim tok gen long ol famili bilong em na ol save salim tupela bek gen kam. David i no save mekim planti profit tumas long ol kokonas bilong em, long wanem em save makim prais bilong em tamblo liklik. Em tok bikpela samting em helpim ol manmeri long siti na tu helpim ol famili bilong em long ples long liklik suga

Pot Mosbi maket.

Dispela tupela bek kokonas bilong em save pinis long tupela de bilong maket tasol, em save salim tok gen long ol famili bilong em na ol save salim tupela bek gen kam.

David i no save mekim planti profit tumas long ol kokonas bilong em, long wanem em save makim prais bilong em tamblo liklik. Em tok bikpela samting em helpim ol manmeri long siti na tu helpim ol famili bilong em long ples long liklik suga

na rais bilong ol.

David save slip long Gordons, ol moning long 10-kilok em save kisim bas kam long Renbo, em bai klinim kokonas bilong em gut na long 1-kilok em putim antap long bet bilong maket bilong em na bai salim.

Ol kokonas bilong em save salim long K1.50 na go daun long 50t, planti manmeri long Renbo na Gerehu save resis long kokonas bilong em long wanem ol bikpela kokonas na prais bilong em i rait olgeta.

CPL Grup opim bikpela resis bilong ol skul

STAT long dispela mun, na i go inap long Julai 31 bilong dispela yia, olgeta praimer na sekonderi skul long PNG i ken rejista long SPORTS FOR SCHOOLS program bilong CPL Grup long kisim ol FRI spots ikwipmen bilong skul bilong ol taim ol i senisim ol risit i kam long City Pharmacy na Stop N Shop. Sapos yu baim samting long Homemaker, em yu tu bai nap long stap insait long dispela resis.

Long go insait long en, CPL i tok em i isi tru. Olgeta K10 kastoma i baim em i napim 1 poin, na i gat ol bonas poin tu taim kastoma i baim ol prodak bilong ol saplaia olsem Trukai, Flame Flour, Ox & Palm, Coke, Rexona, Digicel, Kellogs, Zenag na SPC.

Sports For Schools program bilong CPL i save givim sans long ol skul long kisim ol nupela spots ikwipmen wantaim halivim i kam long ol famili, fren na lokol skul komyuniti i mekim long olgeta wik taim ol i soping long City Pharmacy, Stop N Shop na Homemaker. Em bai ol i mas kipim gut ol doket o risit na salim i go long ol skul bilong ol pikinini bilong ol. Ol skul i mas rejista pastaim long kwolifai long kisim fri spots samting. Ol registresen fom i stap long City Pharmacy, Stop N Shop na Homemaker.

CPL Grup i wanpela bikpela sapota bilong spots. Nau yet, Stop N Shop bren nem bilong ol i sapotim Pot Mosbi Vipers ragbi lig tim tripela yia nau na las yia, ol i sponsaim ol

netbol sempion, City Pharmacy Rebels, i gat strongpela patnasp bilong CPL Grup long laspela 15 yia nau.

CPL Grup i bilip olsem moa spots ikwipmen na ektiviti samting ol pikinini i gat, bai ol i nap stap fit na helti. Olsem na ol i askim olgeta praimer na sekonderi skul (pablik na praiwet wantaim), long olgeta hap bilong PNG long stap long en. Ol lokol komyuniti i ken bung wantaim ol skul long kisim ol doket o risit long City Pharmacy, Stop N Shop na Homemaker.

Long las tripela wik, CPL Marketing Tim i wok long raun i go long ol praimer na sekonderi skul long givim aut ol pas na rejistresen fom, na liklik buk toksave na piksa posta. Ol askim i ken kam long ol dispela telepon namba: 312-0101, 312-0103 na 312-0105 (BH). Yupela ken salim email tu i go long marketing@cpl.com.pg o anthony@cpl.com.pg CPL Grup long namba wan bikpela ritel bisnis.

CPL Grup nau i gat sikspela ritel bren em CITY PHARMACY, STOP N SHOP, HARDWARE HAUS, BONCAFE, HOMEMAKER na PARADISE CINEMA.

Long 2011, CPL Grup i bungim 54 stoa long kantri na i gat moa long 2,000 wokmanmeri. 95 pesen long ol, em ol Papua Niugini. Ritel netwok bilong em i karamapim ol helt na biuti stua, kaikai, ol hadwe stoa, kofi sop na nau, multipleks sinema.



Maketing Menesa bilong CPL, Prue Go, i sekan wantaim wanpela long ol saplaia sponsa, Gregg Stevens, Sels na Maketing Menesa bilong Hugo Canning



"DISPELA EM I PABLIK TOKSAVE BILONG OLGETA KENDIDET BILONG OL NESENEL NA LOKOL LEVEL GAVMAN ILEKSEN"

"OL FI NA SAS BILONG NOMINESEN"

Olgeta kendidet i tingting long resis long Nesenel na Lokol-Level Gavman Ileksens i mas luksave long ol dispela:

Olgeta intending kendidet i mas peim ol nominesen fi bilong ol long wanwan Provinsal o Distrik Tresari Opis we ol i tingting long resis. Ol intending kendidet i mas peim ol nominesen fi long ol Provinsal o Distrik Tresari Opis, ol Provinsal Tresari Akaunten o ol opisa bilong Kisim ol Pablik Mani ausait long ol dispela Provinsal na Tresari Opis we ol kendidet i tingting long resis bai no inap long orait.

Ol Fi na Sas bilong ol intending kendidet i olsem:

OL NESENEL PALAMENTRI ILEKSEN	K1000.00
OL LOKOL LEVEL GAVMAN ILEKSEN	K 200.00

Ol koleksen bilong ol nominesen fi long ol pemen i kam long ol intending kendidet i ken kam bihain long ol rit pepa i go aut long Epril 27, na pastaim long pasim bilong nominesen long Me 4, olsem i stap long toksave bilong PNG Ilektoral Komisn long wanwan Provinsal o Distrik Tresari Opis, ol Provinsal Tresari Akaunten o ol Risiva o lain i kisim, na ol Kolekta bilong pablik mani.

Pablik i mas luksave olsem wanwan risip fom i go long ol kendidet i peim fi bilong ol bilong ol Nesenel Palamentri Ileksen na Lokol Level Gavman Ileksen, na i karim siknesa na stem bilong kolekting opisa (Kolekta bilong Pablik Mani) i mas gat ol dispela stori bilong en:

- De bilong kisim pemen.
- Ful nem bilong kendidet i mekim pemen.
- Ful nem bilong Ilektoret em i resis long en.
- Ful manimak bilong olgeta fi ol i raitim na namba.
- Ful aidentiti o disklosa o tokaut long Winmani Het/Vot.

Tok Orait i kam long:

ANDREW S. TRAWEN, CMG, MBE ILEKTORAL KOMISINA



Ramu NiCo rais trening bringim gutpela kaikai

LONG pinis bilong mun Mas 2012, Ramu NiCo i bin helpim long bringim sevenpela smolholda rais fama bilong ples Bom long Astrolabe Be eria long Raikos Distrik long Madang provins i go long milim o rausim skin bilong rais bilong ol.

Rais ol i milim i soim gutpela piksa na rekot tru. Ol dispela 7-pela fama i bringim samting olsem 560 kilogrem rais ol i bin kisim long gaden bilong ol long Mas 31.

Insait long ripot, em i soim olsem dispela 7-pela famas bilong Bom nem bilong ol em Wagi Thomas, Thomas Wanopai, Wagi Marus, Abel Knox, Wambu Masab, Tarauba Denmark na William Wagem i bin bringim 560 kilogrem padi rais i go long mil long Madang. Long ol dispela ol i bin kisim 303 kilogrem bihain long ol i milim rais.

Insait long dispela rekot i soim tu olsem namel long ol dispela 7-pela fama, mak long ol i kamapim raise em averes makem 80 kilogrem na long dispela olgeta wantaim i lusim mak olsem 45.73 pesen na 54.27 pesen em ol gutpela rais.

Gutpela stori em namel long ol dispela famas ol i kisim moa rais na i no lusim planti rais.

Dispela ol rais em sampela long ol em ol dispela ruel famas i bin planim bihain long ol i kisim trening long groim na lukautim rais em Ramu NiCo i bin kamapim bilong ol famas long mun Novemba 2011. Insait long dispela trening ol agrikalsa ofisa bilong Ramu NiCo i bin givimaut samting olsem 40 kilogrem rais i go long ol famas long planim long wan wan gaden bilong ol long ples.

Long nau yet i gat 103 ol famas husat i go het strong long planim rais long gaden bilong ol long ples long strongim rais prodaksen long sait long fud sekuriti na long bringim mani long sapotim

sindaun long femili.

Toksave i go pinis long CA fil ofisa long eria, Daniel Aputa long wok klostu na putim ai na givim ripot long rais prodaksen long dispela eria long olgeta mun.

Ramu NiCo, em bikpela kampani we i stap nau long developim nikel maining projek insait long Madang provins. Tasol insait long wok bilong en long komyuniti afes eria, ol i laik helpim ol pipel long paipain eria long sait bilong agrikalsa developmen. Dispela helpim i ken strongim ol pipel long holim graun na kamapim developmen long sapotim femili na komyuniti bilong ol.

Sinia agrikalsa ofisa wantaim Ramu NiCo long Madang, Aldam Bande, husat i go pas long givim trening na givim edvais long rais fam wok i tok rais em bikpela samting long sait long fud sekuriti bilong ol ruel femili. Dispela em bikos rais i ken stap long taim bihain long ol kisim long gaden na storim long gutpela ples i stap inap wanem taim yu rausim skin bilong em long mil na kisim wait rais.

Narapela samting tu em rais i ken fidim planti pipel.

Mista Bande i tokaut olsem PNG i gat gutpela graun long groim rais na rais i save kamapim planti sid we i winim ol arapela kantri long wol tu.

Em i tok graun long PNG i gat gutpela gris tru na rais i ken kamap gut tru. Olsem na ol fama i mas planim rais long bikpela eria olsem 50-mita skwea. Insait long 50-mita skwea we graun i gat gutpela gris, ol fama i ken kisim olsem 4-pela tan rais.

Mista Bande i tok ol kain rais ol famas we i wok klostu wantaim Ramu NiCo CA dipatmen i planim em NARI 15, 16 na 17 na TSC 10 we em sotpela o dwaf rais we sids i kam long NARI long Bubia klostu long Lae long Morobe provins.

Narapela edvais Mista Bande i givim long ol smolholda famas long ol ples long

PNG em olsem taim ol i planim rais long seim eria. Bihain long ol i planim rais long dispela eria tripela taim pinis, ol fama i mas rausim olpela as bilong rais na larim graun i stap na ol i ken plainim narapela samting long givim gris ken long graun, na bihain ol i ken planim nupela sid long dispela eria.

Mista Bande i tok klia tu olsem ol rais we i gat gro longpela i ken karim kaikai bilong ol bihain long 5-pela mun. Ol dispela raise em taim ol famas i planim em mak bilong en em 40 sentimita by 40 sentimita insait long wanpela hekta eria. Insait long dispela spes em bihain long 5-pela mun ol fama i ken kisim 4-pela tan.

Ol rais we save kamapim ol kaikai insait long 3-pela mun em ol famas i mas planim insait long 30 i go 20 sentimita long we em i ken kamapim 4-tan insait long wanpela hekta.

Ramu NiCo i promotim wok agrikalsa insait long ol projek impekt eria bilong en long givim gutpela tingting long ol ples man olsem maski wok maining bai i kamap, em bai stap sotpela taim tasol. Wok bilong agrikalsa bai stap longpela taim olsem na ol ples man i mas holim strong wok agrikalsa long strongim sindaun bilong ol wantaim femili na komyuniti long ples na hauslain.



Ol famas i lukim rais mil long Madang



Ol famas bilong Bom i soim ol rais beg bihain long ol i milim



Fama William Wagem insait long gaden wantaim Ramu NiCo agrikalsa ofisa, Aldam Bande



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'



KIK: Senta bilong Gulf Isapea, Joshua Thomas i putim wanpela kik long traim na abrusim Stargroth Amean bilong Vipers long raun wan Digicel kap gem bilong ol long Mosbi las wik Sande. *POTO: Andrew Molen.*



NOGAT ROT: Koriak Upaiga bilong Hekari United i pasim wanpeal Estern Stars pilaia long noken kisim bal long NSL gren fainol gem bilong ol las wik Sarere long Mosbi. *POTO: Andrew Molen.*



PAITIM: Ol Vailima pilaia i traim long pasim bal bilong wanpela After Dark Fashion pilaia long pri sisen fainol gem bilong NCD volibol resis las wik Sarere. *POTO: Andrew Molen.*



OL NAISPELA MERI: Dispela ol model meri bilong Digicel i sanap wantaim Digicel kap trofi las wik Trinde long Mosbi long lonsing bilong gem. *POTO: Andrew Molen.*

TOKSAVE: Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.

Soka bilong insait long haus



wankain olsem long soka tasol ol su bilong ol i nogat nil o tit aninit long en bilong wanem ol i save pilai antap long strongpela kot.

Futsal long PNG

Soka em i namba tu bikpela spot long PNG na sapos i gat wanpela gutpela futsal kompetisen long kantri, em bai nap long pulim planti pilaia na sapota tu.

PNG Football Association i gat futsal program i stap tasol i nogat tok klia sapos ol i gat wanpela gutpela kompetisen i ron i stap insait long kantri.

Ol i bin opim long Niugini Ailans wantaim astingting long surukim i go long ol arapela provins.

Em i spot we i nap long kamap strong insait long kantri sapos ol i kisim i go pas long ol skul.

Ol sumatin i ken pilai dispela gem na makim kantri long en bipo ol i kam aut na i go insait long soka stret.

Dispela bai helpim long kamapim na strongim ol save bilong ol long ronim bal gut insait long liklik pilai graun na tingting hariap long mekim ol samting insait long gem.

Tasol em bai bikpela wok tu long kamapim wanpela gutpela haus o pilai graun bilong futsal bilong wanem kot bilong ol i save mekim kot bilong gem wantaim palang na i no graun o simen.

Dispela bai kos bikpela mani tu long mekim.

Wanpela rot long mekim em long yusim ol basketbol na volibol kot we i stap pinis olsem long Mosbi na Lae, tasol planti ol arapela liklik ples bai wet yet inap ol tu i ken i gat kain ol kot olsem.

Gavman na PNGFA i mas wokbung long kamapim kain ol pilai graun we planti ol kain olsem futsal tu i ken kamap long en.



BAL: Futsal bal i liklik moa long soka bal.



KARAMAP BILONG LEK: Ol pilaia i save werim su olsem dispela we i gat planti raba long aninit bai ol i noken wel antap long kot.

YU save olsem soka em i wanpela bikpela spot insait long wol na em i save kamap long wanpela bikpela pilai graun namel long tupela tim.

Tasol i no planti long yumi save olsem soka i gat ol arapela stail pilai bilong em tu.

Sampela i save pilai soka long nambis we ol i save kolim nambis soka (beach football) na i gat narapela soka we i save kamap insait long haus we ol i save pilai antap long wanpela kot.

Dispela soka bilong insait long haus em ol i kolim Futsal.

Futsal i kisim nem bilong em long tokples Spen (Spain) "futbol sala" we i min olsem "hall football" long tok Inglis o futbol (soka) bilong pilai insait long bikpela haus.

Long namba tu wol sempionsip bilong dispela gem long 1985 long Madrid, ol i sotim dispela tokples nem na bungim wantaim long kamapim nem "Futsal."

Histri bilong Gem

Futsal i stat long Montevideo long Uruguay long 1930.

Man i statim em Juan Carlos Ceriani husat i kamapim wanpela gem we i gat 5-pela pilaia tasol insait long en bilong ol yut insait long YMCA long hap i pilai long en.

Ol i save pilai antap long basketbol kot na i nogat wol o net i stap long pasim sait bilong kot.

Taim em i kamap, planti manmeri luk-save long en na em i go bikpela insait long ol ples long Saut Amerika olsem Brasil.

Em i kamap wanpela gem we ol pilaia long dispela gem i save kamapim na lainim planti ol stail bilong ol long pilai bipo ol i go aut na pilai soka tru long bikpela pilai graun.

Ol biknem Brasil pilaia olsem Pele, Zico, Socrates, Bebeto na planti arapela i lainim ol stail bilong ol long Futsal bipo ol i go pilai soka.

Loa na stail bilong pilai

Futsal i no hat long lainim, sapos yu save long pilai soka, em bai yu nap tu long pilai futsal.

Tasol long futsal, bal bilong pilai liklik moa long soka bal tru na i no save kalap tumas taim em i pundaun na pairap long graun o kot.

Gem i save kamap antap long wanpela kot insait long haus olsem basketbol na volibol.

Longpela bilong dispela kot em namel long 38 i go long 42 mita na bikpela bilong en inap long 20 i go 25 mita.

Sais bilong dispela tu i liklik moa long sais bilong soka pilai graun stret.

Tupela tim i save pilai insait long futsal na i save gat 5-pela pilaia long wanwan tim, wanpela pilaia em goli na narapela 4-pela bai pilai long namel.


I gat kompetisen bilong ol man na meri wantaim.

I gat tupela hap long wanpela gem, i gat 20 minit long wanwan hap bilong gem bipo long hap taim na fultaim.

Ol loa na stail bilong pilai strongim astingting bilong gem, we i lukluk long soim stail na save bilong ol pilaia long ronim gut bal insait long liklik spes na traim long skoa.

I save gat 7-pela risev pilaia na ol i nogat tambu long senisim ol pilaia planti taim insait long gem.

Yunifom na bilas bilong ol pilaia i



PILAI GRAUN: Futsal i save kamap antap long wanpela kot.



STAIL: Planti ol pilaia i save lainim stail bilong ol insait long Futsal.

Buderus em namba wan man bilong Blues

TRIPLELA yia bihain long em i lusim NRL, Blues kosa, Ricky Stuart i lukluk long kisim em i go bek insait long Stet ov Orijin tim bilong em gen.

Stuart i tok Buderus em i namba wan man em i lukluk long werim namba 9 jesi bilong ol.

"Sapos mi laik mekim wanpela NSW tim tete, Danny Buderus bai huka bilong mi," Stuart i tok.

Em i no bin amamas long

harim olsem Country Origin tim i kisim Buderus long pilai long Mande wik i kam bilong wanem Buderus i gat bagarap long lek masol bilong em.

"Em i gat bikpela bagarap long lek bilong em na mi tokim ol long noken kisim em long pilai bilong wanem em i mas kisim wanpela wik malolo long orait gut," Stuart i tok.

Stuart i tok Buderus i no giaman taim em i askim

long kisim wanpela wik malolo.

Em i tok Buderus i pilai bilong Country, bilong NSW na bilong Australia pinis na em bai no inap les long mekim gen tasol sapos em i bagarap na i laik kisim malolo, ol i mas givim long em.

Kosa bilong Buderus long Newcastle Knights, Wayne Bennett tu i tok em i mas kisim tupela wik malolo bipo long Stet ov Orijin.

Bennett i tok dispela mal-

olo i ken helpim em long pilai gut moa bilong Blues sapos ol i kisim em.

Stuart i amamas long harim nau olsem Buderus i tok em bai no inap pilai long dispela gem long Mande.

Kosa bilong Country tim, Laurie Daley i bilip Buderus i gat sans yet long pilai Stet ov Orijin, maski em i no stap insait long dispela gem long Mande.

Ol i tokaut long nem bilong Buderus long Country

skwat las wik Sande na em i toksave long Daley long Mande dispela wik, olsem em i gat bikpela bagarap long lek we bai lukim em i no inap long trening inap tupela de bipo long gem.

Daley i wanbel long dispela na i tok em i orait long Buderus i noken pilai.

"Mi ting em i gat sans yet long pilai Stet ov Orijin bilong wanem em i save long pilai long dispela gem," Daley i tok.



MALOLO: Buderus bai no inap pilai bilong Country long Mande.

Kiwis bai makim Tamou

NUPELA Prop fowet bilong Australia, James Tamou i save olsem ol Nu Silan Kiwis bai makim em long givim strongpela salens.

Dispela em bilong wanem, Tamou em bilong Nu Silan na mama i karim em long hap tu tasol taim em i gat 13 kismas, ol i go stap long Australia.

Nau em i gat 21 kismas na i stap insait long NRL na i laik pilai bilong Australia na i no bilong Nu Silan.

Long 2011, em i bin stap long trening skwat bilong Nu Silan tu long pilai insait long 4 Nesens resis we i bin kamap long Inglen.

Em i bilip olsem tingting bilong em long givim baksait long Nu Silan na pilai bilong Australia bai mekim em i kamap wanpela man we ol Kiwis bai laik mekim save long em.

Wankain samting i bin kamap long bipo fulbek bilong Australia, Karmichael Hunt taim em i bin pilai namba wan gem bilong em bilong Australia long 2006.

Mama i bin karim Hunt tu long Nu Silan tasol em i go pilai wantaim Australia na prop fowet, Frank Pritchard i no westim taim long putim

solda long em.

Olgeta i lukluk taim ol i karim Hunt i go autsait long pilai graun.

Wanpilai bilong Tamou long North Queensland Cowboys, Johnathan Thurston i bilip Tamou bai nap long sanap strong agensim ol Nu Silan dispela Fraide.


Em i no ting ol bai nap long salim Tamou i go autsait long pilai graun olsem ol i mekim long Hunt bipo.

"Karmichael em 90kg tasol na James em i 115 o 116kg olsem na sapos ol i laik traim em orait, lusim ol i traim na yumi lukim, em i no liklik man tu," Thurston i tok.

Em i amamas long ol i kisim Tamou bilong wanem em i wok long pilai gut tru long pri-sisen na tu long namba wan hap bilong dispela yia na i wokhat tru long trening.

Thurston i tok tingting bilong Tamou long pilai bilong Australia i stap long em yet na laip bilong em long gem bihain taim na ol Kangaroos i sapatim em.

Wanpela tingting bilong Tamou long pilai bilong Australia tu em long kisim sans long pilai bilong ol Blues insait long Stet ov Orijin.



KISIM WAS: Tamou bai redi long ol Kiwis.



Toksave i go aut long Namba 31 PNA Opisals Miting na Namba 7 PNA Ministerial Miting, Makim Namba 30 Anivesari bilong ol Pati i sainim Nauru Agrimen (PNA), na Selebretim Namba 1 Wol Tuna De We bai kamap long Alotau, Milen Be Provins

Het Tok: "Strong long Pasin Wokbung Wantaim"

Konfrens Ples: Edukesen Milen Be Konfrens Senta (Epril 23 – Me 02 2012)

Ko-fanding i kam long Nesanel Piseris Atoriti na Opis long ol Pati i sainim Nauru Agrimen, na i wokbung wantaim Ministri bilong Piseris na Marin Risoses na Nesanel Piseris Bod.

Tok Orait i kam long:

Sylvester B. Pokajam

Siaman bilong PNA na Menesing Dairekta,
Nesanel Piseris Atoriti

100 de stap yet

TRINDE dispela wik i bin makim 100 de is tap bipo long Olimpik Gems i op long London.

Olimpik Gems em i nambawan spots sho long wol we olgeta manmeri save wet long lukim na dispel yia bai ol i putim ai long London we em

bai kamap.

Praim Minista bilong Gret Briten, David Cameron, i tok ol i amamas na wet tasol long bungim ol manmeri bilong narapela kantri long hap.

"Mi save Briten bai luk gut tru long ai bilong ol manmeri,

mipela i mekim ol gutpela pilai graun na ples bilong stap long taim stret na tu wantaim inap mani insait long baset.

"Siti bilong mipela i redi, ol transpot sistem i redi na mipela i wetim long bungim ol manmeri bilong arapela

hap long wol," Cameron i tok.

Olimpik Gems long dispela yia bai ron long Julai 27 i go long Ogas 12.

Cameron i tok ol bai amamasim Gem i kamap long ples bilong ol na tu ol bai amamasim 60 yia bilong Kwin olsem het bilong Stet.

Tenis progrem i strong yet

PLANTI moa manmeri long ol ples insait long Papua Niugini bai kisim trening na skul long tenis yet aninit long BSP Rijinel Tenis Progrem.

Dispela bai namba tri yia bilong dispela tenis progrem na em i kamap wantaim bikpela laik na sapot bilong ol sumatin na manmeri husat i kisim skul long en pinis.

Long wankain taim, mama sponsa bilong progrem, BSP benk, i putim narapela K200, 000 bilong kamapim na ronim.

BSP i bin stap wantaim dispela progrem long las tripela yia na nau em bai stap yet olsem sponsa long narapela tripela yia.

Dispela bai lukim ol i ronim progrem long 2012 i go long 2014.

Long las tripela yia, BSP i bin givim K150, 000 long wanwan yia.

Nau, ol bai apim dispela i go long K200, 000 long wanwan yia.

Grup Sif Eksekutiv opisa bilong BSP, Ian B. Clyne i bin



MOA SAPOT: Clyne (lephan) i sanap wantaim sampela ol yangpela tenis pilai long Mosbi las wik. **POTO:** BSP.

tokaut long dispela sapot taim em i kamap long opim progrem las wik Tunde long Pot Mosbi Tenis klap.

Em i tok ol i apim mani mak bilong sapot bilong ol bilong wanem ol i bin kisim gutpela moa bekim na bikpela luk-save na sapot long las yia.

Clyne i tok bikpela astingting bilong dispela progrem em long edukesen, helt na

spot na ol i makim ol pikinini na ol yangpela manmeri.

"Ol yangpela bilong yumi bai lukautim kantri long bihain taim na yumi mas soim sapot na amamas long ol," em i tok.

Clyne i tok, ol i laik bai ol mangi noken stop long pilai na ol arapela spots ogenaiesen we i save wokbung wantaim ol mangi, mas kamapim moa gem na pro-

grem bilong ol.

Long 2009 inap long nau, BSP i putim moa long K1 milien pinis i go insait long ol spots na arapela wok bilong ol mangi na ol yangpela manmeri.

Dispela progrem i go pinis long sampela hap bilong Hailans, Morobe na Niugini Ailans na nau ol i lukluk long ol ples we ol i no go yet.

Hekari stap yet

Andrew Molen i raitim

HEKARI United i mekim histri long las wik Sarere gen taim ol i winim namba 5 NSL gren fainol taitol bilong ol.

Ol i strong tumas na i daunim CPL Eastern Stars, 3-0.

Taniella Waqa, Kema Jack na Wira Wama i kisim ol poin bilong Hekari na i soim olsem ol i nambawan soka

tim bilong PNG yet.

I nogat wanpela tim i winim dispela taitol long taim em i stat long 2007-2008 sisen inap nau.

Dispela em i namba tri taim ol i bungim ol Stars long gren fainol na em i namba tri taim ol i winim Stars.

Win bilong Hekari bai lukim ol i go bek insait long O'lig resis gen long yia i kam.



GOL: Wira Wama i amamasim gol bilong em. **POTO:** Andrew Molen.

i kam long bek pes

PNG bilip yet long holim 2015 gems...

Atoriti bai bung dispela Fraide na K20 milien we i bin stap insait long Tras Fand bilong PNG Sports Foundation, i go pinis long akaun bilong Atoriti.

"Bihain bung bilong bod bai wok i kamap long stretim baset insait long dispela wik yet," Waiwai tok.

Em i tok olgeta samting i ron gut na ol i bilip K180 milien bilong dispela wok bai redi taim Lakhan i kam long namba tu raun bilong em dispela yia long sekim ol samting gen.

I nogat wanpela bikpela wok olsem ol nupela stedium

na pilai graun i kamap yet tasol Waiwai tok komiti amamas long ol wok ol i kamapim pinis we bai go pas long redim ol arapela samting.

Ol i kamapim tu Venues, Infrastructure and Equipment Committee (VIEC) husat bai go pas long redim ol ples bilong pilai na stap bilong ol tim long 2015 Gems.

Bipo long em i bin go bek, Lakhan i tok ol i no wari long wanpela bikpela o nupela stedium tru tasol ol i laikim wanpela gutpela ples we olgeta kantri ken bung na pilai gut long en.

Em i tok, ol i save olsem PNG i laik kamapim wanpela bikpela stedium tru olsem long ol arapela ples long wol tasol i nogat moa taim long mekim dispela olsem na ol i mas mekim sampela samting pastaim we ol arapela Pasifik kantri ken lukim na bilip olsem gem bai kamap gut long hap.

Ogenaising komiti bilip olsem ol samting bai kamap gut yet.

"Taim ol i kam bai mipela i tokim ol olsem olgeta samting ol i askim long en em mipela i mekim pinis," em i tok.

Lakhan i tokim Wantok long Trinde dispela wik i kam long Fiji olsem, ol i laik lukim ol wok redi kirap pinis na PNGSFNOC wantaim Ogenaising komiti go pas nau long stretim ol samting bilong Gems long kamap.

"Taim i wok long sot tasol bai mipela i kamap na harim wanem kain tingting na wok ol i gat long kamapim insait long dispela taim," em i tok.

Em i no tokaut long wanem kantri ol bai givim gem i go long en sapos ol i lukim olsem PNG i no redi tasol em i tok, em i laik lukim gem i kamap long PNG.

SPOT RAUN
WANTAIM
Scott Vavine, ML



Wok bilong plenim na ronim provinsol gems

DISPELA samting mi bai toktok long en dispela wik em i no nupela samting long ol lain husat i save mekim olgeta yia.

Em i wanpela samting we ol i save mekim insait long ol progrem bilong ol olgeta yia.

Ol i save kamapim na ronim wantaim helpim bilong ol arapela wokmanmeri bilong ol.

Tasol dispela em i wanpela progrem we i save kos planti mani bilong gavman long plenim na ronim.

Mi save olsem, long stes wan bilong kamapim na ronim dispela progrem, gavman i save sapotim ol provinsol opis bilong ol wantaim man i long mekim kamap.

Astingting bilong kamapim ol dispela provinsol gems em long makim wanpela tim bilong provins na redim ol long go makim provins bilong ol long PNG Gems.

Dispela i min olsem ol provinsol gem i save kamap long kisim ol nambawan etlit bilong dispela provins long go long provinsol gems.

Wanpela samting we i mekim ol provinsol gavman long i no kamapim ol provinsol gem bilong ol, em bilong wanem ol i nogat i nap manmeri long mekim wok bilong plenim hariap na bihain redim ol samting bilong gem.

Taim dispela kamap, ol i no save redi na plenim gut ol samting na em i save bagarap.

Olsme mi tok planti taim pinis long hia, wok bilong plenim kain bikpela samting olsem i mas kamap 6-pela mun o wanpela yia bipo long pilai kamap.

Dispela bai givim inap taim long ol wokmanmeri long redim olgeta samting bipo long gem i stat.

Mi tok long givim bikpela taim long mekim wok bilong wanem mi no laik ol wokmanmeri bilong dispela progrem i kisim sik blo wari o lewa bilong ol i kalap na ol i bungim kain kain arapela hevi tu.

Asua bilong ol provins em, ol i no save putim dispela olsem namba wan wok bilong ol na tu mi no ting ol i gat ol gutpela save manmeri bilong mekim dispela kain wok.

Mi no ting mani em i bikpela hevi bilong ol long sait bilong redim ol samting gut insait long taim stret.

Tupela samting we i save bagarapim ol em, taim i sot o i nogat ol gutpela save manmeri bilong mekim dispela wok.

Bai yu kisim helpim long we?

PNG Sport Foundation (PNGSF) i skulim planti manmeri insait long kantri long mekim kain wok olsem.

Yu mas painimna yusim dispela ol manmeri long helpim yu mekim wok bilong yu.

Sapos yu wanpela long ol lain kisim trening long dispela kain wok orait yu mas yusim mas dispela save bilong yu na i noken westim taim moa.

I gat ol save manmeri stap long ai bilong ol stret tasol ol i save go het yet long kisim ol manmeri husat i nogat wanpela save liklik long mekim ol dispela kain wok.

Mi laik bai ol provins i mas singautim dispela ol lain husat i kisim trening pinis long kam bek long go pas long mekim ol dispela wok.

Ol provinsol spots opis bai gat rekot bilong ol lain husat i bin kisim trening pinis long PNGSF.

Dispela ol lain husat i kisim trening pinis, i gat gutpela save we ol i ken yusim gut long helpim yu.

Trening ol i kisim i bilong wanpela wok ol i mekim o skul ol i go long en tasol ol i lainim samting we bai helpim long kamap gutpela moa long mekim kain wok olsem.

NEW PREMIUM TUNA

DIANA

PROUDLY PNG MADE

DIANA Hot & Spice
DIANA Mixed Pickles
DIANA Mixed Pickles
DIANA Mixed Pickles
DIANA Barbecue Flavour

PNG bilip yet long holim 2015 Gems

Ol samting i mas redi hariap

Andrew Molen i raitim

PAPUA Niugini gat sans yet long holim 2015 Pasifik Gems long hia.

Dispela em i strongpela bilip bilong Ogenaising Komiti bilong 2015 Gems we bai kamap long Mosbi. Bosmeri bilong Komiti, Emma Waiwai tok, ol i stat long kamapim ol samting na redim

ol wok long kamap nau na dispela em wampela long ol samting we Pasifik Gems Kaunsil i bin tok long lukim na harim taim ol i kam bek long pinis bilong dispela mun. Presiden bilong Pasifik Gems Kaunsil, Vidhya Lakhan i bin kam raun long Mosbi long stat bilong dispela yia tasol i no bin amamas long lukim olsem planti samting i no redi yet. Em bai kam bek long Epril 27 wantaim sampela ol

Eksekyutiv memba bilong em, na i tok Kaunsil bai rausim Gem long PNG sapos ol samting i no redi yet. Waiwai tok bikpela wari bilong Kaunsil taim Lakhan i bin kam raun em long lukim mani bilong wok, atoriti bilong mekim ol wok na ogenaising komiti bilong Gem, i kamap. "Na dispela ol samting i kamap nau na mipela i wok i stap," em i tok.

Moa long Pes 27.



PILAI GRAUN: Ol pilai graun na arapela samting bilong pilai mas redi hariap.

POTO: ANDREW MOLEN.

INSAIT: Laipstail: Futsal. Pes 25. | Blues laikim Buderus. Pes 26.

CARPENTERS MOTORS

Introdusim

◆ Nambawan Expiriens ◆ Hamamas long Kisim ◆ Tru long Yumi

9.9% FAINANS long ol **DIAMOND CLASS VEHICLES** *Kondisens bai aplain!

- ◆ SETIFAID KILOMITAS
- ◆ 6 PELA MUN FRI SEVIS
- ◆ 6 PELA MUN ENSIN WARANTI
- ◆ SEFTI STIKA INSPEKSEN FRI LONG TAIM YU KISIM KAR (Inspeksen tasol)
- ◆ 10% DISCAUNT LONG OL PARTS NA LEIBA *Kondisens bai aplain
- ◆ OL SAVE TEKNISEN BAI SEVISIM KAR BILONG YU
- ◆ IGAT 20 POINT MEKENIKOL SEK

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com